



BIBLIOTHECA
UNIVERSITATIS
CRACOVENSIS

585353-

- 585354

Mag. St. un.

1

ca

to
n


Middelborg



585353-

585354

Mag. St. Dr.



EXPLICATIO
Primæ partis primi capitis
Iohannis

Scripta

a

FAUSTO SOCINO SENENSE

Adjectæ sunt cap: 9. Epist: ad Rom:
& aliorum quorundam S. scripturæ
locorum, ejusdem auctoris expla-
nationes.



RACOVIAE,
Typis Sebastiani Sternacii,
Anno 1618.

HIERONYMVS

a Moscoron MOSCOROVIVS,

CHRISTIANO Lectori Salutem.

EXPLICATIONES quorūdam
 Scripturæ locorum, a Fausto
 Socino confectas, tibi, Lector
 erudite, offerimus. Quo studio, qua
 fide versatus idem sit in hoc negoti-
 o, ex his quoq;, uti ex aliis scriptis e-
 jusdem viri, perspicias atque cogno-
 sces. Magno' certè labore, perpetuis
 vigiliis, invicto studio, veritas divina
 a commentis hominum vindicata &
 asserta eidem viro constitit, ut peri-
 cula, quæ eo nomine a multis pertu-
 lit atq; perpeſsus est, prateream. Sed
 nihil erat, quod animum viri incom-
 parabilis, a tam præclaro & laudabi-
 li studio avocaret aut abstereret.
 Quare his laboribus viri hujus, Chri-
 stiane Lector, perfruere, animi aequi-
 tate & Christiano candore adhibitis;
nec parum æqua aliorū judicicia mo-
 rare. eo siquidem fine tibi offerun-
 tur. Atq; ut eo nomine apud plerosq;
 malam ineamus gratiam, illud tamen

585353 I

Mag. St. Dr.

1967 K 144 St. Dr.

1967 K 144

PREFATIO AD LECTOREM.
nos solatur, quòd dies, cui omnia a-
perire datum est, tandem opus cuius-
q; manifestatura, & quid quisq; quæ-
rat, sic patefactura. Quod ut primo
quoq; tempore fiat, supremus divi-
næ veritatis vindex nocturnis diur-
nisq; precibus fatigandus est. Cui te
tuaq; Lector Christiane, commen-
do, & te in eodem valere opto.

Hieronymus Moscorovius.



EXPLICATIO

Primæ partis primi Capitis Iohan-
nis, id est usq; ad ver: 15.

LECTORI PIO.

MULTA profectò sunt, in quibus adhuc
Christianus orbis cæcurit, & plura for-
tasse, quàm quis vel credere, vel etiam
cogitare possit; quod cum ego animadverterem, sta-
tui non semel, Deo atq; auxilio fretus, aliquot ex
iis erroribus scripto detegere ac consutare, qui in o-
mnibus ferè ecclesiis, quas Christo initiatas cerni-
mus maximè vigent: atque eos præsertim, quos vix
a quoquam animadversos penitus latere videbam.
Dumq; hoc mecum ipse cogito, ecce, (quod equidem
satis mirari non poteram) ex amicis meis quidam,
& maximè pii, & mihi conjunctissimi, quibus nihil
umquam denegare sum ausus, a me petere, vel po-
tius orare atq; obtestari incipiunt, ut aliquid hoc
tempore de Deo Christoq; ejus, scribere velim, hoc
est ut falsas, quas de istorum natura vel substantiis
opiniones Christiani passim conceperunt, destruere
coner, veritatem interea, quam nec immeritò per-
paucos, immo paucissimos nosse arbitrabantur, fir-
mis rationibus asserendo. Quorum precibus ei si vin-
cebar, eos tamen monere non destiti, satius fore, si
alia tractarentur, quæ & ad pietatem magis con-
ducerent, & nostra ætatis hominibus non minùs es-

Exordium
p. 15.

ma. et ubi
p. 15. q. 1. scilicet
sent

Explicatio

sent incognita. Idq̄ ea potissimum ratione suadebam, quod viderem, Romani quidem antichristi regnum ab omnibus dirui atq; vastari, idolorumq; templa everri, interim tamen Christi regnum non resurgere, eiusq; templum, nedum a quoquam extrui, sed ne camenta quidem & lapides, ad illud extruendum, ab aliquo parari. Respondebant illi, que dicerem sibi valde probari, omnes enim animi & ingenii nostri vires in hoc contendendas esse, ut Dei Christiq; gloriae, alteriusq; utilitati inserviamus; verum, se nihil, ne cogitare quidem posse, quod vel cuiusvis utilius esse, vel Dei Christiq; gloriam magis amplificare queat, quam, si tam inveterata, que de natura & substantia eorum figmenta homines excogitarunt, penitus aboleantur. Hac enim ratione non solum viam ad pleraq; alia, que maximi sunt momenti, intelligenda patefieri, verum etiam & Iudeos & Turcas ad Christianam religionem allice posse, qui portentosis istis opinionibus, que Christianae fidei axiomata esse creduntur, ab ea amplectenda semper sunt deterriti. Persuaserunt itaq; ut quidnam hac de re sentirem, scriptis mandarem. quapropter Iohannem evangelistae primi capituli partem illam interpretandam mihi se legi, quam in Romana ecclesia a missa (quam vocant) sacrificuli recitare consueverunt. Nam, cum falsa eius interpretatio omnium errorum fons fuisse videatur, & Achilles quidam sit eorum, qui suis sophismatis, veritatem manifestissimam tenebris involverunt; haud inane operam me navaturum sum ratus, si & eius verum sensum,

primi Cap: Iohan:

sensum, facillima explicatione aperirem, & telum hoc ex adversariorum manibus extorquerem; sic enim fore, ut non tantum sententiam meam ostenderem, sed contrariam non mediocriter labefactarem, Non tamen omnia nos hic dixisse credas, que vel ad Iohannem mentem percipiendam, vel ad sententiam nostram confirmandam, facere possent, pleraq; enim omisimus, quedam vix attingimus; in iis vero, que ab aliquibus ante nos recte exposita fuere, breves esse laboravimus, longiores tantummodo fuimus in iis explicandis, quorum verus sensus omnes prorsus (qui quidem extarent) explanatores latuisse videtur.

Qua in re orationis ornatum ferè omnia sprevimus, non eam quidem ob causam, quod eloquentiam, ut quibusdam placuisse scimus, sacris in questionibus minime convenire putemus, qua in his maximè opus esse credimus; sed cum ea que nova sunt satis per se suspecta videantur, suspicionem augere nolimus, si verborum lenacitas homines in sententiam nostram pellicere voluisse, visi fuissimus; id tantum curavimus, ut omnino barbare locuti non videremur, ne nostram hoc elegantissimum seculum, nimia sermonis asperitate, a legendi nostris avocaretur. In sacrarum verò litterarum locis citandis, & in his verbis que nobis explicanda sumpsimus, (ut omnium calumniandi occasio auferatur) veterem translationem secuti sumus, nisi si quando a sana interpretatione nimis recedere est visa. Nomen autem nostrum non adiecimus, nam licet in iis regionibus

nibus simus, ubi ab hominum injuria metuendum nobis non est, libuit tamen, antequam nomen nostrum prodamus, aliorum, exigui huius laboris nostri, iudiciū cognoscere, Apellis nobillissimi illius pictoris exemplo, qui post ipsam tabulam latens, opera sua transcuntibus iudicanda proponebat. Illud postremo scias optime lector, me quidem valde cupere, ut omnes mea opinioni adhereant, quippe qui eam ut verissimam sic etiam utilissimam esse iudicem, non tamen protinus vel hæreticos appellaturum, vel fratres non agniturum eos, qui eam & respuerint, & perniciosissimam quoque esse clamaverint; dum modo Christi unici legislatoris nostri præcepta pro viribus exequantur, & divini testimonii nos placide convincere conentur. Vale.

Quoniam, ut in epistola ad lectorem monuimus, que dicenda sunt, ut maiore ex parte nova, & nostro seculo inaudita, suspecta fortasse prima fronte videbuntur, paucula quedam præfari visum est, que, scilicet, & suspicionem tollere, & simul ad ea intelligenda non mediocriter conferre possint. Primum itaque quidquid de Ebione & Cerintho vulgo jactatur, adversus quos, tamquam Christum ante matrem fuisse negantes, Iohannes suum scripserit Evangelium, figmentum esse censebitur. Nam præterquam quod nihil solidi ad ejus probationem in medium assertur, non desunt efficaces rationes, que diversum sentire cogant. Sed prius istius erroris causa atque origo noranda est, que quorundam falsa imaginatio fuit; qui, cum viderent, Iohannem in i-

nitio

nitio sui Evangelii, Christum & verbum & Deum appellare, audirentque ab eo dici mundum per ipsum esse factum, nec verum interea evangeliste scipam assequi possent, caperunt nescio quid altius & divinius mente concipere, quam Iohannes intelligere voluerit, nempe Christum esse æternum Dei filium, parem in omnibus Deo patri, ac secundam (ut ipsi loquuntur) in trinitate personam, immo ipsissimum Deum omnipotentem. Atqui si res ita haberet, profecto divina littera alicubi clarè, apertè, & sine verborum involucri ambagibusque hæc docuissent. Mirum siquidem esset, Iohannem, ac ceteros evangelistas, & apostolos, in re tanti momenti (nam non solum ad salutem necessariam, sed etiam salutis nostræ etotius caput atque fundamentum esse contendunt) nihil penitus, quod clarum & apertum sit, usquam scripserit, præsertim cum multis aliis describendis, longè minoris momenti, & ad salutem non usque aded necessariis, occupentur. Et si ceteri hoc prætermisissent, certe Lucas diligentissimus scriptor annotasset, qui magna cum diligentia, (ut ipsemet proficitur) omnibus ab initio pervestigatis, accuratè & ordine de Christo scripsit, & tamen non in ejus evangelio solum, sed in actibus quoque apostolorum ab ipso scriptis, de his rebus mirum silentium vides. Nimirum ergo & ipsi, & alii sacri scriptoribus grandem isti faciunt injuriam, quippe qui eos aliquid vel prætermisisse, vel obscurè indicasse tacite affirmant, quod ad humani generis salutem summopere sit necessa-

rium. Illud præterea, opinionem istam, quæ de Christo vulgò habetur, abunde refellit, non alium Dei unicum sive Messiam a nobis, ut a peccatis nostris liberemur, amplectendum fuisse, quam eum qui a prophetis descriptus, ac promissus fuerat, hoc est ex semine Davidis, & summi Dei nostri Iehova servus. Neque enim prætermittendum est, in instrumento novo dum scribitur per Christum factum esse mundum, & omnia condita fuisse, non hoc ad mundi huius corporei, quod communiter isti faciunt primam creationem, sed ad ipsius Christi spirituali regni constructionem (quæ mundi reformatio est) esse trahenda. Siquidem Christus spiritualis rex est, non carnalis, a Deo nostro constitutus, ut edificet, faciat, atq; creet suum hoc spirituale regnum, quod est ipsius ecclesia. Moses enim (inquit auctor epistola ad Hebr.) fidelis fuit in tota domo illius, tanquam famulus, at Christus ejus domui præpositus est, cujus domus sumus nos. Quantum verò ad Ebionem & Cerinthum attinet, in quorum odium Iohannes scripsisse dicitur, id ab omni veritate alienum esse videtur. Primum enim longè alia fuit Cerinthi & Ebionis (si enod Ebion certus quidam homo fuit) sententia, atq; ab omnibus passim hæc nostra ætate scribitur, & superioribus seculis ab aliquibus scriptum est (si reverentissimo scriptori Irenæo credimus) qui viriusq; doctrinam recensens, quod Christum verbum scilicet Dei ante Mariam fuisse negarent, ne indicat quidem, immo cum de Cerintho loquitur, contrarium innuere, vel potius aperte dicere videtur, si quis paula

paulo diligentius ejus verba expendit. Deinde verisimile non est, Iohannem rem tantam ita leviter silentio præteriturum fuisse, quin hereticos istos eorumve istam, contra quam scriberes, hæresim saltem vel tacite vel aperte alicubi commemoraret, ac detestaretur. quod cum non fecerit, cur non alicubi saltem apertissime testatur, ipsum Christum naturâ Deum esse simul & hominem, vel jam existisse antequam ex Maria nasceretur? Cur in re tanti momenti, cujus ignoratio æternam mortem adfert, a deo & obscurus & parvus esse affectavit? Verum Iohannem horum in scribendo nullam habuisse rationem, vel ex eo apparet, quod ad finem historiae rationem reddens, cur Iesu signa, sive (ut alii volunt) tantam historiam scripserit, non aliam fuisse ait, quam ut credamus Iesum esse Christum Dei filium, idq; credentes vitam æternam. Hoc siquidem loco opportunum fuisse evangelistæ aliquid contra pestiferos hosce hereticos adscribere. sic enim dicere potuisset, Hæc scripta sunt, ut credatis Christum esse æternum Dei filium, ejusdem cujus ille substantia, & in omnibus illi parem, quin & ipsummet unicuique nostrum Deum, idq; credentes vitam æternam habeat. At, mihi crede, non habet hoc Iohannæ Evangelii initium, tam retrusos sensus, atq; vulgò creditum est; sed difficile intellectu reddiderunt nobis subtiles isti & profundi speculatores cavilla sua, ac miris quibusdam figmentis, ludicrisq; subtilitatibus, quæ omnia profectò Christiano homine indignissima sunt. Sed quid plura opus est? Id solam ab eis, qui in

Ioh: 10. 17

corrupto
Ioh: 10. 17

hæc

hæc nostra inciderint, requirimus & flagitamus, ut
 omni falsa persuasione exuti, ea legere non graventur,
 & libero iudicio, juxta divinum verbum judi-
 cent, precibus ardentissimis Deo adhibitis, hæc siqui-
 dem sola ratione veritatem assequantur.

In principio erat verbum.

Qui hoc loco principii nomine Christi æternitatem
 designari volunt, manifestissimi erroris vel ex eo solo
 convincuntur, quod nulla seu veteris, seu novi fœderis
 auctoritate eorum opinio fulciatur. Etenim nus-
 quam reperies in sacris litteris, principium pro æter-
 nitate usurpari. Quapropter nomen principii in his
 verbis, non æternitatem, sed ordinem earum rerum
 respicere dicemus, quas Iohannes de Iesu Christo di-
 lectissimo Dei filio scripturus est, imitatus hæc in re
 Mosem, qui historiam suam describens, ab hoc nomi-
 ne principii & ipse exordium sumpsit. Et sanè mi-
 rum est, quod cum theologifere omnes passim testen-
 tur, nullum interpretandi genus melius & securus
 inveniri posse, quam si sacra litera in idem sacri liter-
 ris exponantur; hoc tamen loco, sui ipsorum obliti, ve-
 ledicto divinarum litterarum auctoritati, suis for-
 mnis indulgeant. Quemadmodum itaque Moses an-
 riqui hujus mundi creationem descripturus, In
 principio dixit eorum respectu que deinceps dictu-
 rus erat, ac si diceret, Principio, in primis, & ante
 omnia condidit Deum cœlum & terram, quod sum-
 matim dictum deinde digessit: ita & Iohannes, cum
 de spiritali mundo per Christum creato scripturus
 esset,

esset, usus est illa ordinis voce, non autem æternitatis
 nota, ut intelligamus verbum hoc fuisse, non quidem
 ab omni æternitate, sed ante res creatas omnes novi
 mundi, paucique comprehendere voluit, quod deinceps
 pluribus enarraturus est. Et sic uti Moses non de
 initio cuiuslibet rei create, sed illius tantummodo,
 que incipiente mundo facta est, de illa, inquam, visi-
 bili, non de invisibili sermonem instituit, quare &
 initium illud de visibilibus solum creatis rebus intel-
 ligendum est: ita & Iohannes dum in principio
 dixit, ad earum rerum initium respexit, de quibus
 sermonem insinuerat, non autem omnium, qua mul-
 ta ante extiterunt.

Interpretum præterea explicaciones hujus vo-
 cûs Verbum variant. in hoc tamen concordant,
 quod Verbum sit quidam æternus Dei filius, omnis
 expertus principii; utpote qui genitus sit ante omnia
 secula, & (ut eorum verbis utar) sit coæternus, con-
 substantialis, ac per omnia patri equalis, secundaque
 in trinitate persona. Hæcque & hujusmodi alia qua-
 dam, quorum ansam illi dedit græca vox λόγος, &
 ingeniosè quidem (ut ipsis videtur) & feliciter com-
 miniscuntur, que omnia cum non solum sacri liter-
 ris, tum veteris tum novi fœderis, adversentur, verum
 etiam sibi ipsis non consent, immo cum ridicula ma-
 gna ex parte appareant, efficitur, prob dolor, ut Iesu
 Christi religio sacrosancta & divinissima, & Iuda-
 is, & Turcis, & exteris denique omnibus maximo
 sit indubio. Quid ergo? Iohannes Verbi nomine ipsu
 Dominum Iesum Christum Dei Filium, hominem,
 salices,

scilicet, illum, qui, Augusto imperante, ex virgine Maria natus est, intelligit non ob aliquam ejus naturam, aut substantiam, sed muneri tantum causa quo ipse Dei filius sanctus est, dum evangelicum patri sui verbū exponeret. Nam nihil omnino Christus (quantum attinet ad sui naturam & substantiam) nobis profuisset, nisi evangelii arcanum patefecisset. Ceterum observandum est, hanc esse ipsius Iohannis phrasin (habet enim Iohannes peculiare quaedam phrasas, quibus ecclesiasticorum scriptorum alius nemo utitur) etenim nusquam in sacris literis reperire poteris, Christum appellatum fuisse verbum, praterquam ab ipso Iohanne, quod alia ratione ab eo factum non est, quam quod ipse Christi operā evangelii verbum, quod prius latebat, innotuit. Subestq; hic metaphora simul & metonymia. Metaphora enim in eo est, quod sic ut verbo hominis ejus voluntas cognoscitur, ita per Christum omnis Dei voluntas patet. Christus enim nos allocutus est, & Dei arcanum atq; decretum de aeterna hominum redemptione, ex sinu patris prolatum, primus humano generi revelavit. hincq; metonymie quoq; datus est locus, cum Christus auctor sit verbi illius, quod $\chi\epsilon\iota\varsigma$ hoc $\chi\alpha\upsilon$ hac simplici appellatione gaudere potest; quippe quod aliis omnibus utilius sit atq; praestantius. Itaq; quemadmodum Christus, nunc metaphora utens, seipsum vitem, pastorem, & ostium vocat, quod & viti, & pastori, & ostio aptissime comparari potest, nunc metonymie loquens, dicit se esse veritatem, vitam, resurrectionem, eod quod horum omni-

um auctor sit, atq; largitor: non secus Iohannes hic & in apocalypsi (quem locum legi cupimus) hominem hunc Christum Iesum, metaphora simul & metonymia utens, verbum Dei appellat, quibus loquendi modis, tum sacri, tum prophanz scriptores nunquam non sunt refertissimi. Quin (ut exemplis ad hanc rem explicandam quam accommodatissimis, imperitorum causa utamur) videmus, Iohannem Baptistam Vocem in sacris literis appellatum fuisse, quod certe nullo modo substantiam, vel naturam ejus indicat, sed munus tantummodo quoungebatur, cum in deserto clamans omnes ad penitentiam invitaret. Aharon quoq; datur a Domino Mose pro ore; num hoc ad ipsius Aharonis vel substantiam vel naturam pertinere dicemus? quid absurdius existimari posset? An non clarè patet de munere, quod pro Mose Pharaonem & Israëliticum populum alloquendo, obiturus erat, intelligi debere? Quid igitur mirum, si & Christus, non ob ipsius substantiam vel naturam, sed propter munus, quod Dei quodammodo vice in terris obit, ab Evangelista nostro, qui mirè his loquendi modis delectatur, Dei verbum esse dicitur? Quod eod libentiùs eum fecisse aliquis fortasse non ineptè existimare posset, quod cum novi & spiritalis mundi creationem (ut jam diximus) exponere instituisset, ejus rei nomine, per quam vetus hic mundus creatus fuit, Christum Iesum per quem novus creatus est, voluerit appellare. Nam per Dei verbum, calum, terram, & mare, & quacumq; in eis sunt, condita fuisse legimus, & sicut in prima

sua creatione verbo suo dedit Deus animantibus vitam & lucem corporalem, ita postquam in mortem, atq; aeternas tenebras lapsi erant homines, ineffabili sua misericordia, per hoc verbum suum, mundum iterum creat, instauratq; in eis ac reparat vitam lucemq; spiritualem. Verum quod huic loco intelligendo potissimum confert, est, quod omnia nomina, seu cognomina, quae Christo imposita inveniuntur, non propter naturam ejus aliquam vel substantiam diviniam & aeternam, sed tantummodo ob ejus munus, ac potestatem admirandaq; opera ab ipso parata, illi fuerunt indita. Iesus enim, Christus, magister, lux, via, veritas, vita, ostium, pastor, vitis, panis, lapis, agnus, advocatus, mediator, sacerdos, resurrectio, justitia, spes nostra, aliq; ejusdem generis nominibus nuncupatur. Quemadmodum ergo nomina ista, naturam ejus aliquam aut substantiam non designant, ita nec vox Verbum, cujus nomine ipse hoc in loco insignitur, quidquam tale significat. Et hic obiter deploranda est inscitia seu potius miseria multorum, qui, licet in divinis oraculis nihil ferè unquam de Dei vel Christi abstrusa aliqua natura aut substantia disseratur, impense tamen laborant, & sese miris modis torquent, ut reconditoria multa de utriusq; natura & substantia cujusnam illi sint naturae & substantiae possint percipere, dumq; hoc & ipsi a se qui student, & alios docere conantur, bene Deus quid non sunt ausi? quae sophismata, quae mirabilia cōmenta evangelii loco simplici plebecula oberuserunt? quanam Dei

Dei populo prius inaudita dogmata, platonica certè magis quàm Christiana, in Christi ecclesiam invexerunt? quot immensa volumina istis de rebus conscripterunt? quibus & veritati, & sibi ipsis majores tenebras offuderunt; quod non absq; justissimo Dei judicio factum est. Nam praterquam quod in ipsos aperièssimè torqueri potest illud, quod, adversus eorum signenta negantes, ipsi sepius jactare solent, Scrutator majestatis opprimetur a gloria, in hoc graviter errarunt, quod cum nusquam sacre littere de Dei voluntate ejusq; promissis per Christum nobis exhibitu non aperièssimè loquantur, eorum tamen aliqui, dum graece philosophiae libèrius, quàm Dei verbo dices noctesq; dant operam, partem hanc, unde hominum pendet salus, vel intactam relinquerunt, vel ita frigide & oscitanter tractarunt, ut quidvis aliud egrise videantur. Quorum vestigiū nos neutiquam insistentes, de Dei essentia disputationes ferè omnes relinquamus, minimum siquidem ad pietatem conducere videntur; quid verò nos facere iusserit, quid nobis promiserit, diligenter inquiramus; ubi inveniērimus, studiose servemus, certoq; futura esse credamus. Sed ut ad id, quod initio nobis propositum est, nostra recurrat oratio, summa haec est. Scripturus Iohannes de Domino nostro Iesu Christo Dei filio, ac mundi redemptore, nec non de spiritali mundo per eum creato, & de mundo hoc corporeo spiritali ratione per eum instaurato, aliis ante illius patefactionem orditur, dicens, In principio erat verbum, hoc est, Christus Dei filius, in principio evangelii

Prov: 25.27-

Culpa p[ro]p[ri]a
p[ro]p[ri]a p[ro]p[ri]a
p[ro]p[ri]a p[ro]p[ri]a13
E

gelii, eo nimirum tempore, quo Iohannes Baptista, ad frugem Israelitarum populum revocare cepit, & antequam ipsius Baptista predicatione Iudeis innotuisset, iam erat, & erat a Deo huic muneri, voluntatem suam scilicet patefaciendi, destinatus. Nam Evangelii principium, a Baptiste predicatione ducendum esse, ex Marco liquidò constat, quem hic noster, quod ad Principii nomen attinet, auctorem habet, Iesus igitur ad Iudeos quidem genus suum referebat, & inter illos versabatur, idq; per annos triginta, illiq; de facie notus erat, nec ejus nomen ignorabatur, vulgò enim Iesum Iosephi filium appellatum fuisse legimus, sed quòd verbum & Christus esset, id est, quòd per eum Deus voluntatem suam orbi terrarum palàm facturus, & hominès ab aeterna morte vindicaturus foret; id verò omnibus prorsus ignotum erat, ideoq; subjungit Iohannes,

Et verbum erat apud Deum.

Hoc est, Iesus quatenus Dei verbum, antequam Baptista predicatione patefieret, soli Deo notus erat. Hinc ipse Baptista paulo inferius dicit, Ego baptizo vos aqua, medius autem vestrum stetit, quem vos nescitis, ipse est qui post me venturus est. Immo & Baptista, quoniam esse Christus, se ignorasse faretur, dum inquit, Et ego nesciebam eum; sed ut manifestaretur in Israël, propterea ego veni aqua baptizans. Constat autem in sacris litteris, dictionem, Apud, in hac significatione usurpari. Nam in hanc eandem senten-

Mar: 1. 1.

Ioan: 1. 45.

sententiam, ipse Iohannes epistola prima capite primo, cuius initum toti huic loco maximam lucem affert, ita scribit, Et annunciamus vobis vitam aeternam, quæ erat apud patrem, & manifestata est nobis. Quod perinde est, ac si dixisset, vitam vobis aeternam nunciamus, quam quidem ante hac nullus hominum novit, quippe quæ soli Deo, qui eam vos donare decreverat, nota foret; sed nunc palàm omnibus est facta. Etenim per predicationem, per miracula, per mortem, & resurrectionem filii Dei, qui, celos ascendens, spiritus sancti amplissima dona nobis largitus est, deniq; per apostolorum divinißimum præconium vita illa aeterna & immortalis, quæ prius omnes penitus latebat, mundo innotuit. Quod si dictionem nobis ad apostolos tantum & discipulos, qui aliis Christum predicabant reserve malueris (quod equidem valde probo) idem tamen sensus erit vocis Apud, hoc est, vitam aeternam, quæ ipsis revelata soli Deo prius fuisse cognitam. Ita & Christus antequam gloriam suam patefaceret, qualis & quantus esset, ignorabatur. Patefecisse autem gloriam suam proprie dicitur tum, cum signa edere cepit. Quod si quis ineptè cavilletur, longè aliud esse, gloriam suam non patefacere, & ignotum esse, refelles eum Baptista, qui se venisse ait, ut Iesus patefieret Israël. cuius verbi non solum inane istud objectum diluitur, sed perspicuum etiam sit, Iesum ante Baptista predicationem mundo ignotum fuisse, adeo ut jure, non secus ac vita aeterna, tunc temporis apud Deum fuisse dicatur. Præterea fratres ipsius, dum ei

Ioh: 2.

Ioh. 1.

Ioh: 7.

suadent.

suadent, ut e Galilea discedat, & in Iudæam se conserat, hū verbū utuntur, Nemo quippe in occulto quid facit, & quærit ipse in palam esse, si hæc facis, manifesta te ipsum mundo. Vides, se ipsum mundo manifestare seu patefacere nihil aliud esse, quàm præclaris facinoribus, virtutem suam quæ prius latebat, prodere, & celebre nomen inter homines adipisci. Postremo, ut appareat verba hæc. Apud Deum, exponi illi, videlicet, Apud homines (hoc siquidem sensu nos ea hoc loco accipimus) non abs erit Luca verba quadam, quæ ille de Iesu dixit, adscribere. Et Iesus, inquit, proficiebat sapientia, ætate, & gratia, apud Deum & homines; quod idem est ac si diceret, In Dei & hominum conspectu.

Et deus erat Verbum.

Hoc nomen Deus, non est nomen substantiæ cuiusdam proprium vel personæ, sed auctoritatis, potentia ac beneficentiæ, & (ut grammatici loquuntur) non est nomen proprium, sed appellativum; quod omnibus, qui vel summi labiis linguarum fontes gustarint, notissimum esse non dubito. In divinis autem litteris nomen hoc $\alpha\theta\epsilon\omicron\varsigma$ seu ut quidam loquuntur, antonomasiam, tamquam ejus proprium illi summo omnium auctori Deo tribuitur, quippe qui sit omnium Dominus, atque Iudex, & fons, origo, atque largitor omnium bonorum. Aliquando tamen tribuitur hæc appellatio rebus creatis, cum ab illo primo omnium auctore ad aliquam functionem, honorem, & potestatem erehuntur. Nam angeli & principes nec non

nec non & iudices hac ratione Dii vocantur. Sic Moses constitutus fuit Deus super Pharaonem. sic pro Deo quoque Aharoni datus. Quæ cum ita sint, quid mirum, si Christus Dei verbum, Deus esse dicitur, cum non solum in nos miseros mortales innumera beneficia contulerit, & salutem nostram vitæq; æternam, auctor, & consummator extiterit, divina, dum in terris ageret, potentia & auctoritate præditus, verum etiam a Deo postmodum supra omnes homines atque angelos, supra omnem principatum & potestatem erectus fuerit, cali terræq; Dominus factus, & divorum mortuorumq; iudex constitutus? At verò asserere, Christum ita Deum esse, ut summus ille sit altissimusque rerum omnium auctor, qui calum terramque condidit, suprema est inscitia. Nam in sacris litteris solus ille Iesu Christi pater invisibilis atque omnipotens, hoc honore igitur. Hinc Paulus, Nam etii sunt, qui dicantur Dii, sive in cælo, sive in terra, quæmadmodum sunt Dii multi & Domini multi, nobis tamen unus est Deus, pater ille ex quo omnia. Non est tamen Christus redigendus in ordinem Angelorum, & aliorum hominum, qui hoc Dei nomine insigniti fuerunt, quia longè majorem, ut jam exposuimus, & excellentiorem potestatem, honorem, gloriam, & majestatem a Deo accepit, quàm ullus alius, vel omnes simul, qui dii nominati fuere, sint cõsequuti, sive ex angelis, sive ex hominibus fuerint, quippe quæ illorum omnium caput & princeps sit factus. Nequæ aliud intendit auctor epistolæ ad Hebræos, dum Christum

& 97. 70

& 82. 6.

Exod: 21. 6.

& 22. 28.

& 7. 1.

& 4. 16.

Luc: 2.

Vide Erasmus in Adagis, Homo homini Deus.

Plat: 6.

1. Cor. 8. 4.

stum Dei filiū cum angelis, & Mose conferre; ex qua collatione clarè apparet, Christum non minus, quā Angelos & Mosē, quicquid habet, id omne Deo acceptum referre; sed tamen, ut ille ait, tantò præstantior factus est, quantò excellentius præ illis fortitus est nomen. Periret enim collatio illa, si Christus non a Deo, sed a seipso cuncta haberet, que possidet. Et quòd Christus nihil habeat quòd a Deo non acceperit, probari præterea potest ratione evidentissima, que talis est; Quicquid homo ille Iesus qui ex Maria virgine natus est, habet, a Deo habet. At qui nihil habet Christus: quod verè & propriè ut homo ille non habeat. Ergo Christus nihil habet, quòd a Deo non acceperit. Christum verò nihil habere, quòd ut homo ille non habeat, apertissimum est iudicio meo. Nihil enim excellentius nihil præstantius Christus habet, quā quòd a cunctis mortalibus, immo etiam ab ipsi angelis adorari debeat, quòd minimè quā habere posse videtur ex alterius dono & largitate, & tamen hoc ei ut homini Deum dedisse, auctor est Paulus. ergo & alia cuncta que minora sunt, ut homo procul omni dubio habet, & porro a Deo acceperit. Sic autem de Christo scribit Paulus, ubi eum usq; ad mortem crucis, quòd certè de eo ut homine dictum constat, obedientem fuisse dixerat, propter quòd & Deus exaltavit illum, & donavit illi nomen quòd est super omne nomen, ut in nomine Iesu omne genu flectatur, caelestium, terrestrium, & infernorum. quibus verbis quid clarius, quid apertius dici po-

Heb: 1. 4.

Philip: 2. 9.
& 10.

ti potest? Ergo qui dedit, quòd majus est, non dederit quòd est minus? Si Christus hoc a Deo accepit, ut ab hominibus adoretur, cur, ut Dei nomine decoretur, non accepisse dicemus? Et quamvis hoc factū superq; in qui animo sunt composito, futura sint, ut, qua ratione Christus Deus appelletur rectè dispiciant; ut restamen clariùs elucescat, hæc pauca adjiciam. Cum apud Iohannem Christus a Iudæis accusaretur, quòd, cum homo esset, se Deum faceret, respondit, Nonne scriptum est in lege vestra, quia ego dixi, Dii estis? Si illos dixit Deos, ad quos sermo Dei factus est, & non potest solvi scriptura, quem pater sanctificavit & misit in mundum, vos dicitis, quia blasphemias, quoniam dixi Filius Dei sum? Quibus verbis Christus, se Deum & Dei filium esse non negavit, immo asseruit, sed Deitatis sue divinæq; (ut ita loquar) filiitatis rationem explicuit, eamq; primariam & verissimam & quia homo erat, non aliam deitatem divinamvè filiitatem sibi ausus est vindicare, quā que a Deo per sanctificationem ipsi ut homini concessa fuisset; hæc q; ipsius verba, si qui ea accuratè perpenderit, quicquid in huius loci nostri partibus explicatione diximus, apertissimè comprobant. Christus igitur Deus est, quia est Dominus, princeps, ac benefactor noster, que omnia Deo patri suo accepta referre; sic enim ait Petrus, Certissimè ergo sciat omnis domus Israël, quia & Dominum eum & Christum fecit Deus, hunc Iesum quem vos crucifixistis. Quare mirum non est, si

Ioh: 10. 36

Act: 10

Ephes. 1. 17. pater ille glorie apud Paulum, Deus Domini nostri
 Iesu Christi esse dicitur. Sed quid quod magister ip-
 se veritatem Christus, ore proprio id clarè testatus est,
 Ioh: 20. 17. Ascendo ad patrem meum, & patrem vestrum,
 Deum meum & Deum vestrum? Quid quod
 nunc collocat^o ad dextram Dei, gubernat ejus eccle-
 siam, non ut principalis auctor & Dominus, sed ut
 vicarius? propterea in novissimo die, cum subjecta
 fuerint illi omnia, regnum Deo patri suo restituet,
 & illi subiectus erit, ut sit Deus omnia in omnibus.
 Adde, quod Christus nusquam docuit, se esse unicum
 illum Deum omnium auctorem; sed potius in omni-
 bus suis verbis, & factis omnem laudem & honorem
 Deo patri suo semper derulit, eum ubiq; sui muneris,
 potestatis, & glorie auctorem faciens. Quod si ali-
 quis roget, quando Christus a Deo patre suo, hujus-
 modi eximia dona, ob que merito Deus appellatur,
 acceperit. Si de divina illa auctoritate peccata in
 terris condonandi, prepotentiq; virtute impuris spi-
 ritibus, ventis, mari, procellis, morbis, morti deniq;
 imperandi, & preclarissima divinaq; prorsus, nec
 prius audita opera faciendi, ac de admirabili illa di-
 vinarum omnium rerum scientia, arcanaq; volunta-
 tis Dei absolutissima cognitione queratur, jam inde
 ab initio (quod initium quale sit, superius expositum
 fuit) hæc omnia eum accepisse: si de mediatoris sive
 interuentus gloria, honore, & approbatione solenni,
 in baptismo, & in monte: si verò de summa illa po-
 testate, tum in celo tum in terra, post crucis mortem
 in resurrectione, dicitur. En habes qua ratione
 Christus sit Deus.

Hoc erat in principio apud Deum.

Haud temere quod superius dixerat, repetit
 Evangelista noster, hoc si quidem agit, atq; conten-
 dit, ut Iesum, licet serius, & post Baptiste predica-
 tionem patefactum, dignitate tamen atq; officii præ-
 stantia, ipsi Baptiste antellere credamus, & eum
 jam tum a Deo, ad sue nobis patefaciende voluntat-
 atis munus destinatum fuisse, cum Baptista Israë-
 lem ad penitentiam invitare instituit. Etenim ma-
 gna erat in Israële opinio Iohannis Baptiste, ut cla-
 re liquet, si quis non oscitanter admodum & supinè
 Evangelistarum scripta legat; adeo ut pro Christo
 aliquando habitus fuerit. Quare hic noster, mox de
 eo dicit, non erat ille lux. Iterum igitur asserit,
 verbum hoc fuisse ab initio apud Deum, ne Baptiste
 gloria atq; exestimatio, & tempore prius præconiū
 nobis oculos perstringat, ut quis verè sit Christus &
 salutis nostræ auctor, quis verus & præcipuus Dei nun-
 cius atq; legatus, cuius maxime verbis indubitata
 nobis sit adhibenda fides, perspicere non possimus.

Omnia per ipsum facta sunt, &
 sine ipso factum est nihil, quod
 factum est.

Univerſalis hæc dictio Omnia, non ita late acci-
 pienda est, (quod tamè vulgò fieri videmus, ut primā
 illam celi terræq; creationē comprehendat. Iohannes
 enim hoc loco non de corporei mundi huius, de quo
 perfectissimè scripsit Moyses, sed de spiritualis mundi
 structura (ut jam dictū est) loquitur, qui nō corporeis

sed spiritualibus rebus, id est, evangelii verbo construitur, quo homines instaurantur, & spirituali quadam ratione denuo creantur. Vox igitur Omnia, non ita simpliciter intelligenda est, ut ad mundana haec trahatur, sed ad negotium evangelii iam tunc publicatum atque recepti accommodari debet, quasi dicat Iohannes, Omnia nova haec spiritualia atque divina, quae apud nos, & in toto terrarum orbe facta conspiciuntur, (nam quo tempore Iohannes Christi historiam scripsit, multi iam ex ipsis ethnicis ad eius cognitionem pervenerant, & ex tenebris ad veram lucem conversi erant, aliaque admiranda opera apostolorum ministerio facta conspiciuntur) non aliunde ortum habent, quam a Iesu Christi evangelii predicatione, Christi opera & potestate sunt facta. Et licet nemo ignoret, universales particulas plerumque ad id solum, de quo sermo institutus est, accommodari debere, atque simpliciter positas, sapientius necessario contrahendas esse; attamen, ut rudibus consulatur, unum de tam multis, sed appositissimum exemplum, ex sacris litteris peritum adducemus. Haec itaque apud Paulum verba invenies, Si qua ergo in Christo, nova creatura est, vetera praeterierunt, ecce nova facta sunt omnia. Quid audio? Num vere omnia nova sunt facta? Num caelum & terra, num mare, num arbores, num animalia cuncta renovata sunt? Minimè verò. Nemo enim ignorat haec omnia Christi adventu pristinam naturam vel substantiam, aut qualitates non immutasse, nec de his loquitur apostolus, sed de illis, quae ad

religionem, ad cultum Dei, ad eius fœdus atque promissa, ad mores & vitam nostram pertinent; & haec omnia merito renovata esse dicit. Haud secus evangelista noster dixit, omnia per Christum facta esse, non quidem caelum, & terram, & alia cuncta, quae prius creata fuerant. Quid enim hoc ad eius institutum? Sed ea universa per Christum facta fuisse asserit, de quibus ipse scribere instituerat, & praeterea quidquid ab ipso omissum, ad praesens negotium pertinebat, veluti gentium conversionem, & ipsius Iesu Christi opera quam plurima, quae eum consilio praeterisse scimus. Omnia haec igitur per Christum sunt facta, & sine ipso factum est nihil, quod ad hanc (ut sic dixerim) factionem pertineat. Nam & ipse Apostolus sui dixit, Sine me nihil potestis facere, qui locus hunc nostrum explicat elegantissimè.

Ioh: 20. 30.
& 21. 25.

Iohan: 15. 5.

In ipso vita erat.

Nequaquam hoc intelligi debet, de animantium vita naturali, quae in Deo residet, de qua hic philosophi arguantur (quod ita se habere mox, cum Baptista testimonium explicabimus, clariùs apparebit) sed de vita, quam per Christum homines con-

de q̄ vita

n. Ioh: 1. 14.

B 4

nam

Ioh: 52. 5. nam dedit nobis Deus, & hæc vita in filio eius est. *Vides, quam vitam in Christo fuisse dicat. In Christo autem vitam æternam esse, duplici de causa dicitur. Primum, quia, si qui ei fidem habeat, vitam æternam procul dubio consequetur. Deinde, quia in novissimo die ipse vitæ restituet, & immortales reddet omnes, qui ejus vestigia sequati, non carnis, sed spiritus imperio paruerint. Et, ne quis existimet hoc esse ipsius Christi proprium, adeo ut id Deo minimè acceptum referat, ipsummet Jesum Christum audiamus, Amen amen dico vobis, quia venit hora, & nunc est, quando mortui audient vocem filii Dei, & qui audierint, vivent. Sicut enim pater habet vitam in semetipso, sic dedit & filio habere vitam in semetipso. Ex quibus verbis aperitissimè constat, & a Deo Christum hoc accepisse, ut vitam in semetipso habeat, & quo sensu id dicatur, nimirum, quia vocem ejus audientes vitam adipiscuntur. Quare vox erat ad tempora illa æterna pertrahenda non est, que rerum creatarum initium antecesserunt, neq; ad ætatem illam que Mariæ virginis partum præcessit, sed ad tempus vitæ illius, quam Christus inter mortales egit. Insinuavit enim Iohannes de Christi vitæ verba facere, in qua omnia ille perfecit, que ad salutem nostram requiruntur. Nec alio sensu accipi debet, hæc vox, quam accipiatur, cum de Iohanne Baptista mox dicitur, non erat ille lux.*

Et vita erat lux hominum.

Argutè

Argutè admodum disputant quidam, quomodo verbum, quod ad sui divinitatem attinet, lux sit, qua natura luceat, ac semper luxerit in humana ratione, eorum etiam, quibus Deus numquam se oraculis suis, atq; presentia patefecerit, lucemq; humane rationis, hoc loco confirmant. *Sed sophisticè istæ subtilitates nos a Christo abducunt plerumq; verumq; nobis divinarum litterarum sensum eripiunt. Est igitur vita illa æterna, que erat in Christo, lux hominum, quatenus, (ut statim dicitur) Christus, hujus vitæ patefactione illuminat omnem hominem. Cum alioqui omnes hujus mundi homines, in umbra mortis sedeant, nullam vitæ æternæ firmam, atq; spem habentes.*

Ex lux in tenebris lucet, & tenebræ eam non comprehenderunt.

Christus lux dicitur, non solum, quod celestis doctrina homines ad vitam æternam illuminet, sed etiam quod vita irreprehensibili, atq; sanctissima illi præluceat, ut ipsum imitentur. Exemplum enim, inquit, dedi vobis, ut quemadmodum ego feci, ita & vos faciatis. *Hujus verò sæculi homines tenebræ vocantur, quæd sine Christo, vera luce, rerum divinarum nihil prorsus cernant. Cur verò Iudei & plerique alii lucem hanc salutarem non comprehenderint, immo respuerint, & odio sunt persecuti, causam habes inferius in hac eadem Iohannis historia, ubi hæc legis, Hoc est judicium,*

B 5

um,

um, quòd lux venit in mundum, & dilexerunt homines magis tenebras, quàm lucem; erant enim eorum opera mala.

Fuit homo missus a Deo, cui nomen erat Iohannes; hic venit in testimoniũ, ut testimonium perhiberet de lumine.

Ut de hac tam præclara luce, ejuſq; præstantia omnibus constet, adducitur testimonium Iohannis Baptiste, qui de ea palam & publicè testatus est, & id quod maximè in testimonio requiritur, ejuſ viri adducitur, cuius & singularis integritas atq; innocentia, & gravis auctoritas nulli non erat cognita. Sed quodnam testimonium huic luci dedit Baptista? Num eam ab omni aeternitate fuisse, vel calum terramq; creasse? quàm longè absunt ista ab illius verbis. Num eam omnibus rebus creatis spiritum vitamq; hanc naturalem semper administrasse? nihil minus. Testatus enim tantummodo est de Iesu, quòd esset Christus, & agnus Dei, qui mundi peccatum auferret, quòd baptizaturus esset spiritu sancto & igni, cum ipse aqua tantum baptizaret, quòd se maior ac præstantior esset, & alia huiusmodi. Quare vel alium sibi Christum, ab eo, cui testimonium dedit Iohannes Baptista, fingant necesse est, vel invidum Christi glorie Baptistam fuisse dicant, vel saltem eius dignitatem atq; præstantiam ignarum, & porro, nullius momenti ejuſ testimonium fuisse, cum illa de Christo

restitu-

reticuerit, quibus si destitutus foret, nihil penitus eum humano generi profuturum existimant, omnes, si qui Christum cali terraq; conditorem, animantiumq; omnium sempiternum vivificatorem, & unicum Deum nostrum esse contendunt.

Ut omnes crederent per illum.

Ex huius verbis, sententiam nostram, quam modò de Iohannis Baptiste testimonio exposuimus, verissimam esse, liquido apparet. Nam si ideo ad testandum de hac luce Iohannes a Deo missus fuit, ut omnes crederent per illum; fatendum omnino est, eum nihil de Christo reticuisse, quod, ut illi fidem habeamus, nobis scitu sit prorsus necessarium.

Non erat ille lux, sed ut testimonium perhiberet de lumine, ut omnes crederent per illum.

Superius satis expositum fuit, quare hæc verba hoc loco evangelista noster adiecerit. Tanta enim in Israëlito populo fuerat opinio Iohannis Baptiste, ut veritus sit, ne Christus is esse diceretur. Ideoq; ait, tantum abesse, ut Iohannes lux hæc præstantissima fuerit, ut testis potius sit illi a Deo adhibitus, neq; aliam ob causam a Deo missus fuerit, quàm ut de luce hac testaretur. Nam, licet Baptista lucerna ardens appelleretur, quòd non solum propter eximiam ejuſ vite sanctimoniam, sed etiam, quia Christum veram lucem clarissimè demonstrabat, dictum fuisse

arbitrari.

arbitror: attamen *is* vera lux illa non erat, quae evangelium Dei nolis verè patefecit, & ejus predicatione tenebras hominum mentes illustravit. Baptista enim baptismum poenitentiae tantummodo praedicavit, Christus autem per evangelium, & mortem abolerit, & vitam immortalitatemq; in lucem protulit.

2 Tim. 1. 9.

Erat lux vera, quae illuminat omnem hominem venientem in hunc mundum.

Solus ergo Christus est vera lux, *is* enim evangelii sui patefactione, hominum mentes in tenebris ignorantiae Dei constitutas, liberat, & in veram resurrectionis vitaeq; aeternae lucem, ac certam spem traducit. Quod autem Christus illuminet omnem hominem venientem in mundum, id tripliciter intelligi potest. Primo, quod quicumq; ex hominibus hujus mundi ad vitam aeternam illuminantur, non alia ratione illuminantur, quam per Christi evangelium. Secundo, quod cuiuscumq; generis homines ab ea illuminentur, personarum enim rationem Christus non habet, sed aequè illuminat gentes atq; Iudeos, doctos atq; in doctos, nobiles atq; ignobiles. Tertio, & hoc fortasse est verius, quod Christus quantum in se est, synecdochicè tamen evangelii luce omnium mentes illustrat. Praeterea haec verba aliter legi possunt, nimirum hoc pacto, Erat lux vera, quae illuminat omnem hominem veniens in mundum. Vox enim graeca ἐρχόμενος tam luci quam homini accommodari potest. In hanc sententiam alicubi Christus dixit, Ego

xit, Ego lux in mundum veni, ut omnis qui credit in me in tenebris non maneat. & haec sine dubio est germana huius loci lectio, & interpretatio. Ioh: 12. 46.

In mundo erat, & mundus per ipsum factus est, & mundus eum non cognovit.

Hic mundum metonymice pro huius mundi hominibus accipi, nulli dubium esse debet; id enim manifestissimè apparet, dum inquit, Et mundus eum non cognovit. Nam de hominibus tantum hoc dici nemo inficias ibit. Quid autem hoc loco sibi velit Iohannes, a nemine (quod sciam) adhuc rectè expositum fuit. quare conabimur nos verum sensum ex eius verbis elicere, & omnibus apertissimum facere, quem superius etiam aliquando attigimus. Nemo est, qui nesciat, novum fœdus, hoc est, evangelistarum & apostolorum scripta, hebraismis infinitis prope scatere. Scimus autem hebraeos verba composita non habere, ideoq; simplicibus pro compositis solere uti, qualem hebraismum & veterum & recentiorum nonnulli agnoverunt in tertio cap. ad Ephesios in illis verbis: (ut quidem ex graeco legenda sunt) Qui omnia creavit per Iesum Christum. Quae verba & verè & eruditè interpretari sunt, omnia in stauravit, vel omnia iterum condidit per Iesum Christum. Similem locum habes eadem epistolâ, dum ait apostolus, Ipsius enim sumus factura, creati in Christo Iesu in operibus bonis. Vbi nemo non videt & fatetur, non de prima nostri creatione, sed de re-

Ephes. 3. 9.

Ephes. 2. 10.

creatio-

creatione (ut ita loquar) id est nova creatione per Christum facta sermonem esse. Que cum ita sint, omnibus evangeliste nostri mens nota sit; ait enim, Christum in mundo fuisse, hoc est, inter homines versatum esse. & mundum per eum esse factum, id est, homines denuo quodammodo factos & creatos fuisse. Etenim illius operâ, & cultus ille carnali, quo Deum populus Israeliticus colebat, abolitus fuit, & idola ferè omnia, que gentibus responsa dabant, sublata fuerunt. præterea ex Iudæis, & gentibus unus Dei populus factus est, & utrique ex tenebris & morte, in lucem immortalitatemq̄, fuere translati, & ut omnia pauci comprehendam; apostoli verbis utar paulo ante a nobis expositis, hoc est, illius operâ vetera præterierunt, & nova facta sunt omnia, & tamen, cum hoc Christus fecerit, totq̄ beneficia in homines contulerit, ab illis cognitum non fuit, quin & a Iudæis crucis supplicio affectus, Romano magistratu absentente, & postea in membris suis, tum a Iudæis, tum a gentibus; acerrimè insectatus, & quotidie morti acerbissima datus fuit. Præterea, an non fecisse mundum Christus diceretur, cum perditum servavit, & carnem suam pro mundi vita dederit, sitq̄ panis ille, qui dat vitam mundo? Nonne qui vitam dat rem facit atque creat? Nonne ad hoc, ut quis revera sit, efficiendum, multo plus præstat ac valet ei dare æternam quam caducam vitam? Es si mundus, qui tunc erat, perisse dicitur; quando aquis diluvii perierunt homines improbi, cur vicissim per Christum, qui vitam hominibus confert, qui humanum

genus

genus a morte liberat æterna, mundus factus non diceretur? Ut autem appareat, locum hunc de prima huius mundi, vel hominum creatione nullo modo exponi posse, præter ea, que jam dicta sunt, rationem firmissimam afferemus, adversus eos præsertim, qui a Christo mundum, hoc est, cælum & terram, & omnia que in hiis continentur, facta esse volunt, non tanquam ab instrumento, quo Deus sit usus, quod res creata sit, & Deo dignitate atque potentia longè inferior, sed tanquam a vero & summo omnium rerum conditore. Nam etsi illa quoque opinio a veritate longissimè abest, receptiorem tamè impugnare præcipue nobis propositum est, quamquam ea que dicturi sumus (si quis diligenter animadvertat) utramq̄ satim convellere videntur. Certo certius est, hæc verba, Et mundus per ipsum factus est, & mundus eum non cognovit, hoc est, duo hæc membra in eandem sententiam coherere, & relationem quãdam inter se habere. a si modo vox Mūdus hic significationem non variat, ut nunc quidem quodammodo pro concessio sumimus. Nam perinde est, ac si dictum fuisset, licet mundus per ipsum factus sit, mundus tamen non cognovit eum, Quamobrem manifestum sit, non de qualibet eius cognitione loqui evangelistam, sed de ea tantum cognitione, que eò spectat scilicet, quod ille mundum fecerit. Conqueritur itaque Iohannes, vel potius mundo exprobrat, quod a Christo sit factus, & tamen eum factorem & conditorem suum esse non cognoverit, nec tamquam creatorum suum debito honore fuerit prosecutus. Quod si hoc de

primus

a Hæc verba ita in alio exemplari leguntur. Hoc intellige verum esse, si modo vox Mūdus, ter hoc loco a Iohanne prolata, semper in eundem sensu sit accipienda, ut accepta est in hoc scripto paulo ante, cum hic locus explicaretur.

Cor. 17.

Petr. 3. 6.

prima creatione intelligendum erit. idem est ac si Iohannes dixisset, O mundi perversitatem, atque flagitium, Christus est qui celum, terram, mare, & omnia que in eū sunt creavit; & tamen plerique omnes, eum rem creatam esse, sunt arbitrati, nec rāquam ipsorum aeternum Deum sunt reveriti. Vel, Christus est, per quem omnes homines primò creati fuerunt; & tamen illi, se per eum vitam hanc naturalem adeptos fuisse, non norunt. Quod nemo non videt, quàm longe ab evangelista nostri mente distet; & si illud Iohannes intellexisset, nonne illi meritiò ab omnibus responderi potuisset, Et cur Christum cæli, terraq; conditorem, seu primum creatorem nostrum agnosceremus, cum nec quinquam de illo, nec ipse de se id umquam dixerit? cum eum, qui omnia creavit, nobiscum & patrem & Deum suum appellaverit? cum illi soli omnem gloriam, honoremq; semper detulerit, cum eo se minorem esse aperte fassus fuerit? Quid tu nos accusas, cum tu potiùs accusandus sis, qui ea Christo tribuas, quæ ille, paterne gloriæ studiosissimus, ut sibi tribueret, ne cogitare quidem umquam est ausus? Equidem non video, quonam pacto hæc objecta diluere potuisset Iohannes, nisi novi cujusdam, & prius inauditi dogmatis, de quo ne verbum quidem fecerant alii evangelistæ, se auctorem confiteri. At vide, quàm omnia rectè cohæreant, si de secunda creatione, deq; mundi instauratione hæc intelligantur. Sic enim jurè mundum accusabit Iohannes, quod Christum servatorem & liberatorem suum non agnoverit, cum tamen hoc ipse Christus &

verbia

Ioh: 20. 17.

Ioh: 14. 26.

verbis apertissimis, & miraculis valde conspicuis (quibus nemo non stupebat) & vitâ innocentissimâ, & morte teterrima, & resurrectione denique gloriosissima, non modo aperte comprobaverit, sed etiam re ipsa præstiterit: multus enim in hoc est Iohannes, ut doceat, Christum, licet is fuerit qui mundum illustravit, atque instauravit, non tamen ab hominibus fuisse cognitum. Nam & superius dixit, Et lux in tenebris lucet, & tenebræ eam non comprehenderunt, & hic subiungit.

In propria venit, & sui eum non receperunt.

Venit Iesus Christus ad suos Isreëlitas, ad quos nominatim a Deo missus fuerat, & in tenebris ac morte jacentes, adventu suo mirifice collustravit, vitâq; æterna dignos fecit, illi tamen, tenebras magiā quam lucem amantes, & mortalem hanc vitam immortalitati præferentes, tantum Dei beneficium repudiarunt, quin & benefactorem suum Christum Iesum Dei viventis filium (proh scelus) patibulo suspensum sustulerunt, & celerem sibi ipsis, ita divina postulante iustitia, perniciem, æternamq; exitium conciliarunt.

Quotquot autem receperunt eum, dedit eis potestatem filios Dei fieri, iis qui credunt in n omine ejus.

At quicumq; mirabile hoc atq; præstantissi-

mum Dei beneficium agnoverunt, qui mortalium genus, quod ejus majestatem atq; gloriam, quantum in ipso erat, fœdabat ac proscindebat, venia dignatus est, & porro Iesum Christum huius divina clementie & bonitatis primarium nuncium atq; præconem, ita exceperunt, ut eius verbis fidem adiungerint, hi ab ipso Christo hoc sunt consecuti, ut filii Dei sint, id est, ut celi heredes, unâ cum eo evadant, & ultimo illo die, quo impii & sceleri homines æterni ignis supplicio multabuntur, eius potentia ab interitus servitute liberentur, & in gloriosam filiorum Dei libertatem asserantur.

Qui non ex sanguinibus, neq;
ex voluntate carnis, neq; ex
voluntate viri, sed ex Deo nati
sunt.

Hoc loco Iohannes Iudeorum supercilium re-
tundit, qui gloriabantur, se originem duxisse a pa-
tribus, Abrahamo, Isaaco, & Iacobo, omnemq; car-
nis gloriationem ad eò excludit, ut dicat eos, qui po-
testatem hanc sunt adepti, ut Dei filii sint, ex mor-
tali semine natos non esse. Nam quatenus ab Adamo
originem trahunt, tantum ab est, ut Dei filii verè ap-
pellari possint, celestis regni vitæq; æternæ parti-
ceps, ut corruptioni ac morti penitus sint obnoxii.
Ex Deo nascatur oportet, qui tanta bona adepturus
& possessurus est, hoc est, ut ait Petrus, non ex se-
mine corruptibili, sed incorruptibili per verbum Dei
vivi &

vivi & permanentis in æternum. Concludit itaq; Iohannes, terrena ista nihil momenti habere in regno Christi, sed celesti regeneratione vitæq; novitate opus esse.

Et verbum caro factum est.

In Græco habetur καὶ ὁ λόγος & σὰρξ ἐγένετο. Nemo autem, qui græcas litteras vel a lumine salutaverit, ignorat, hæc verba non minus Et verbum caro fuit, quàm, Et verbum caro factum est, & bene, & propriè verti posse. Quod nisi apertius esse arbitraremur, quàm, ut ulla probatione indigeat, innumeros pene novi fœderis locos adducemus, quibus id notissimum fieret, sed hoc labore, utpote vano atq; inutili, super sedendum duximus; locum attamen unum proferemus, quippe qui nobis ita huic rei appositus videatur, ut nullo modo silentio præteriri debeat, is est apud Lucam, sic enim de Iesu Nazareno loquitur alter discipulorum qui Emauntem proficiscebantur ὁς ἐγενετο ἀνὴρ προφητῆς, & δυνατὸς πρὸ ἐγώ, καὶ λόγος γεννητῖον τῷ θεῷ καὶ παντὸς τῷ λαῷ. hoc est, ut vertit vetus interpres, Qui fuit vir propheta potens in opere & sermone, coram Deo, & omni populo. Vbi verbum ἐγενετο non factus est, sed fuit necessarium exponi debere cõstat. Hoc loco itaq; non caro factum est, sed caro fuit, omnino verbum istud interpretari debemus. Superius enim satum demonstratum est, Verbi nomine hominem illum, qui ex Maria virgine natus est, intelligi oportere, qui caro fieri non potuit,

sed caro erat. Duabus autem potissimum de causis, in, que prius dixerat, hoc addidit Iohannes. Primum enim hoc spectavit, ne, si quis ea, que de Christo superius scripserat, legisset, nimirum, quod sit Deus, & Verbum, per quem omnia sunt facta, & tamen vel ex alio, qui de Christo scripserat, vel ex nosissima fama percepisset, vel etiam ipsemet vidisset, Christum fuisse hominem abjectum, israhelici populi sacerdotibus & senatoribus invisum, a quibus etiam vitam suam tutatum non esset, prima fronte offenderetur, existimans, vel Iohannem de alia re quamquam scripserat, vel hominibus imponere atq; illudere voluisse, vel ea vera non esse, que ceteri de Christo scripserat; quod fieret, ut, si jam Christo nomen dare cepisset, vel saltem, quoniam esset eius religio, diligenter inquireret, hac, que certe absurda sunt, secum animo reputans, propterea Christi religionem ferè omnem abiceret, & penitus falsam esse suspicaretur. Quocirca, postquam tot laudibus Christum decoravit, apertè deinde confessus est, eum fuisse carnem, hoc est, hominem imbecillum, arumnosum, despectum, humilem, contemptum, & non secus atq; alios, morti obnoxium. Carnis enim nomine in sacris litteris hominis imbecillitatem atq; humilitatem significari, apertissime constat. Hinc illa hymnographi verba, Et recordatus, quia caro sunt: Hinc illa Esaiæ, Omnis caro fœnum, & omnis gloria eius quati flos agri: Hinc illa Hieremie, Maledictus homo, qui confidit in homine, & ponit carnem brachium suum. Innotescitq; hoc pacto magis

magis Dei gloria, atq; potentia, qui per Christum, licet caro fueris, hoc est humili atq; abjectus homo, admiranda tamen tot opera patraverit, atq; illa fecerit, que superius Iohannes exposuit. Quemadmodum & Paulus ait, Habemus autem thesaurum altum, nempe evangelicum in fictilibus vasis, ut sublimitas sit virtutis Dei, & non ex nobis. Quin & de Christo idem Paulus scribit, crucifixam illum quidem fuisse ex infirmitate, sed vivere ex virtute Dei; que omnia nobis longè sunt utilissima. Dum enim videmus, Christum, licet homo fuerit imbecillus, despectus, & ab huius mundi principibus, tanquam scelerosus quispiam fœdissima morti traditus, postmodum tamen a Deo vite restitutum immortalis, & ad supremam gloriam erectum, in spem erigimur, fore, ut & nos, si unà cum eo passi fuerimus, parem gloriam a Deo patre nostro adipiscamur, licet & imbecilles, & miseri, & despecti, & huius mundi hominibus contemptissimi simus. Voluit deinde Iohannes his verbis seipsum quodammodo interpretari, & dubitationem omnem tollere, que in legentium animis, eorum præsertim, qui de Christo nondum audiverant, oriri potuisset. Nam si ea non addidisset, potuisset aliquis, & quidem jure in eum errorem incidere, in quem plerosq; omnes, sed nunc maximo ipsorum vitio, incidisse videmus. hoc est, ut existimaret, verbum hoc de quo scribit Iohannes aliud quid diversum esse, vel aliquando fuisse ab homine illo Iesu, & platonica philosophia fortasse imbutus, cum videret, & Deum hic appellari.

2. Cor: 4. 7.

2 Cor: 13. 4.

Psal: 78.

Esa: 40.

Hier: 17.

*Plato in
p. h. in
de*
 & in principio apud Deum fuisse, quin & mundum per id factum esse, statim per suasus foret, evangelistam nostrum procul dubio Platoni conformem esse, qui de Deo aliqua scripsit, ex quibus opinionem istam de trinitate, qua passim recepta est, originem duxisse non dubito. Etenim valde illi consentanea sunt ipsius Platonis, & ejus sectatorum scripta, quae sunt Iamblichi & ceterorum; qui tamen omnes a Mercurio illo Trismegisto haec hausisse videntur. quod ita se habere aliquorum scripta testantur, qui istorum auctoritate trinitatis opinionem confirmare non sunt veriti. Huic itaq; malo, & simul omnibus, qua ex metaphorico loquendi modo, quo usus fuerat, oriri potuissent, prospiciens Iohannes, aperte testatus est, Verbum hoc non substantiam quandam incorpoream, vel naturam divinam atq; aeternam, sed hominem fuisse, & hoc pacto dubitationem omnem peritus sustulit. Carni autem non hominis vocabulo est usus, ut hac voce alteri quoq; malo, quod priore loco recensuimus, obviam iret. Et licet hoc ipse apertissimis verbis ut edo, optime praestiterit, non destitit tamen nodi & veritati adversarius Satan, quoad hominibus persuasit, vocem $\epsilon\gamma\epsilon\upsilon\epsilon\tau\omicron$ non fuisse, sed factum esse hoc loco significare, atq; effecit, ut, quod validissimum semper argumentum fuisset ad errores hosce platonicos ex Christi ecclesia exterminandos, omni fallaciae potissimum fundamentum existeret. Mirum est tamen, tot theologos viros eruditos, & praestanti ingenio praeditos, in hanc sententiam concessisse, ut scilicet vox $\epsilon\gamma\epsilon\upsilon\epsilon\tau\omicron$, factum est, hoc

est, hoc loco interpretari debeat, cum hinc duo praeter infinita alia, quae absurdissima sunt, perspicua absurda efficiantur. Nam quid absurdius dici potest, quam evangelistam prius narrasse, Verbum in mundo fuisse, ad suos venisse, & potestatem ut filii Dei fiant eis dedisse, qui ei fidem adhibuerunt. deinde subjungere, ipsum verbum carnem factum esse quasi ad nos venerit, antequam natum foret, & prius in mundo fuerit, postea vero caro sit factum. Et licet scopulum hunc evitare aliquo pacto fortasse quis posset, quomodo in alterum non impingeret, Verbum scilicet, quod ipsi filium, nescio quem Dei aeternum, & ipsummet Deum nostrum Iehovam interpretantur, carnem fuisse factum? quid magis absonum existimari potest, quid magis $\epsilon\delta\iota\upsilon\alpha\tau\omicron\upsilon\epsilon\tau\omicron$ quam, Deum carnem factum fuisse? Quis ad haec non horret, & contremiscit? At dicunt, licet verba istud praesferant, nos tamen, commodiore explicatione adhibita, nihil aliud, Verbum carnem factum esse, significare dicimus, quam id in virginis Mariae utero carnem assumpsisse. Elegans sane interpretatio, sed unde nam illam hauserunt? Quemnam locum huic similem, qui interpretationem istam patiat, ex sacris litteris adducere poterunt, ut non omnino ineptae & inerudite divinae oracula interpretati fuisse videantur? Adde, quod non multo minus absurdum est, si quis dicat, Deum carnem assumpsisse, quam si diceret, Deum carnem esse factum, quod & ipsi indicant, cum docent, quomodo hoc factum sit, nullo modo vel explicari, vel percipi posse. Hac, scilicet,

ratione Satan errores suos, licet manifestissimos, tueretur. Nam & in papatu conversionem panis eucharistici in Christi corpus, absurdissimam licet, & cujus evidentem quoque falsitatem humanus sensus & ratio detegit, uno atque altero divinarum litterarum loco arrepto, adversus efficacissimas rationes, solidissimaque argumenta, quibus nullo modo rem sic se habere apertissime convincitur, ea ratione etiamnum defendit, si dicat, nos simpliciter credere oportere, & hoc mysterium esse quod hominum capium superet. Ita fit, ut plerique adhuc, etsi re ipsa & videant, & sentiant, frustulum illud panis, nihil aliud esse quam panem, caeco tamen errore ducti, sibi met persuadeant non amplius panem, sed Iesu Christi corpus esse. Idem & in iis, quae de Deo & Christo credendum nobis est, evenisse perspicimus. Quamvis enim manifestissime appareat, nulla ratione fieri posse, ut divina illa essentia indivisibilis atque incommutabilis, sive quod ad personam (ut ipsi loquuntur) sive quod ad substantiam attinet, carnem assumpserit, ita ut unum suppositum (ut ajunt) cum homine sibi assumpto sit facta, & multo minus ut filius tantummodo hoc fecerit, non etiam pater & spiritus sanctus quos tamen tres, simplicissimum illud atque unicum nostrum Deum constituere contendunt; nihil praeterea absurdius excogitari posse (cui quidem tota reclamatur natura) quam ut tres sint unus, & unus tres sint: ex qua opinione innumera portenta oriri necesse est longè absurdissima, quae sacra divinaque oracula penitus subvertantur, ita ta-

ita tamen nescio quo pacto Christianorum vulgus fascinatum fuit, vel ita stupidum est, ut omnia haec non solum constanter credat, verum etiam, ab hac fide salutem suam omnino pendere existimet, & sibi ipsis homines illudentes atque imponentes, quod vident, se non videre, quod autem non vident, se videre penitus sint persuasi. Et quemadmodum de eucharistico pane in papatu dictum est, si qui & rationibus firmissimis & perspicuis litterarum testimonii agendo, gravissimum hunc errorem retegere conetur, clamant, mysterium esse, quod non inquiri, sed adorari debeat. Verum sperandum est, ut non secus atque portentosa illa sophistarum de eucharistia opinio, jam Deo auspice ita palam traducta est, ut pueri quoque eam merito derideant, atque explodant, & id, quod olim divitissimum Christiana religionis mysterium putabatur, crassissimam nunc idololatriam esse constet, ita monstrosum haec de Deo nostro, & Christo ejus signa, quae hoc tempore sacro sancta, & omniveneratione dignissima, praecipuaque religionis nostrae arcana esse creduntur, aliquando tandem (fremat licet mundus interea, & igni ferroque sicut) Deo volente ita cunctorum oculis retegantur, & unicuique tanto sint ludibrio, ut neminem non pudeat se huius fabulæ umquam non dicam fidem adhibuisse, sed aurem accommodasse. At nimis longè fortasse oratio nostra digressa est, quare ad institutum nostrum revertamur, & quae adhuc restant, breviter & dilucidè explicemus.

Et habitavit in nobis, & vidimus gloriam ejus.

Ut majorem etiam auctoritatem, & in qua jam dixerat, & in qua dicturus erat, conciliaret Iohannes, ait, hominem hunc non in longinqua aliqua regione, ab ipsius Iohannis & aliorum qui cum predicabant, conspectu procul habitasse, sed inter ipsos versatum fuisse, & adeo familiariter versatum, ut licet verè caro, id est homo mortalis, atq; despectus fuerit, & huius mundi hominibus obscurus atq; inglorius extiterit, ipsi tamen admirabilem ejus gloriam aspexerint, que quidem gloria, quamquam Israelitico quoq; populo apparuit, quippe qui Iesu Christi prestantissima opera viderit, & ea opera que apud eos alius nemo umquam fecerat, & tot admiranda signa in ejus morte conspexerit, ipsi tamen apostoli atq; discipuli excellentius etiam quiddam, & longè majus viderunt. Nam & a mortuis excitatum, & in caelum ascendentem, ejus postremum aduentum predicantibus angelis proprii oculi aspexerunt. Adde, quod Iohannes unà cum aliis duobus discipulis, eum in monte transfiguratum vidit, tanta majestate ac splendore fulgentè, ut & ipsi territi fuerint, & Christus, antequam hoc fieret, testatus sit hosce discipulos regnum Dei cum potentia adveniens, sive, ut Matthæus habet, filium hominù venientem in regno suo, priusquam morerentur, visuros fore. Accessit huic eius gloria præclarissimo testimonio Elia Moysiq; presentia, & quod omnibus præstat, vox

Dei re-

Mat. 1. 11.

Mat. 17. 23.

Dei veneranda, atq; clarissima, qua ipsius dilectissimus filius declaratus est, quem nos audire oporteat. Quanti verò hoc testimonium fieri debeat, indicat Petrus, qui cum hac in re Iohanni socius extitisset, eandem que hic habetur sententiam, huius verbis explicat, Non enim arte compositas fabulas secuti, notam vobis fecimus Domini nostri Iesu Christi potentiam, & adventum, sed qui oculis nostris aspeximus illius majestatem. acceperat enim a Deo patre honorem & gloriam, voce ad illum delata hujusmodi magnifica gloria, Hic est ille filius meus dilectus, in quo mihi complacitum est. Ut enim probet, se vera de Christo dicere, hoc solo testimonio contentus esse videtur. Iohannes igitur confessus quidem est, verbum hoc, de quo loquitur, in hominum conspectu, vile contemptumq; fuisse, ne, si hoc silentio præterisset, auctoritatem verbù suù detraheret; sed unà quoq; asseruit, somnia non esse, que de illius præstantia & dignitate narrabat, ut pote qui ejus gloriam ipse vidisset. Idem, cum aquam & sanguinem ex perfosso Christi latere effluxisse narrasset, ne istud fabulam arte confictam aliquis existimaret, hæc verba subjungit, Et qui vidit testimonium perhibuit. Quibus verbis omnem ficti sermonis suspicionem depellere conatur. neq; enim se ab aliis audivisse, id quod non adeo dicti veritatem probat, sed, se ipsum vidisse, affirmat, quo nullum certius testimonium adduci potest.

2 Pet. 1. 16.

Ioh. 19. 35.

Gloria

Gloriam quasi unigeniti a patre.

Explicat, quæ nam Christi gloria hæc sit, quam se vidisse ait, ac si diceret, non quamlibet gloriam vidimus, non fuit vulgaris ea, quam oculi nostrum aspeximus, sed valde insignis & singularis quadam gloria; quippe quæ ab ejus patre Deo nostro exhibitæ fuerit, & eum dilectissimum atque præcipuum ipsius Dei filium esse declaraverit, & tanto filio digna fuerit. Nam vox unigeniti hoc loco, non illud videtur significare, quod vulgò creditur, Christum videlicet naturâ filium Dei esse, cum alii scilicet adoptione filii sint, sed potius (ut nos exposuimus) illi acceptissimum esse, & alii dignitate præstantem. Vox enim græca *μονογενής*, quæ non participium sed nomen est, respondet hebræe *lehid*, quæ cum de filio dicitur, unicum quidem significat, sed non tantum geniturâ, verum etiam dilectione, successione, vel singulari quadam proprietate, qua ceteri fratribus suis antecellat, & ab illis merito distinguatur. Verum sacram litterarum exempli agere præstat. Nulli dubium est, quin Abrahamus duos filios habuerit ex sese verè natos, Israelem scilicet, & Isaacum, cum Isaacum immolare est iussus; & tamen Isaacus eo in locobus unicus sive unigenitus ejus filius vocatur, & unigenitus semel ab auctore epistolæ ad Hebræos, vel quoddam videlicet unicum ab Abrahamo diligeretur. (& hanc quidem potissimam hujusce rei causam credimus) nam & septuaginta interpretes vocem *lehid* *ἐξ ἑνὸς*, id est dilectum, ibidem sunt interpretati, vel

Gen. 22. 24
& 16.

Heb. 11. 17.

ii, vel quod ad eum solum Dei promissiones pertinerent, & si solus patri hæres futurus esset; vel etiam quia mirabili quodammodo, non vulgari, ut *Ismaël* natus erat. Solomon etiam licet plures fratres, ex eadem matre haberet, se tamen unicū inter filios matris suæ, vel coram matre sua fuisse ait. Vbi interpretes omnes vocem *Unicum*, unicum dilectum significare scribunt. Et septuaginta *ἐξ ἑνὸς γενέσθαι τὸν υἱόν*, id est, dilectus in conspectu matris verterunt. Quare & Christus inter tot fratres unigenitus Dei filius dicitur. Nam & Deo unicum charus fuit, (nec alio præstantiore titulo eum pater, dum adhuc in terris ageret, unquam ornavit, quam cum filium suum charissimum esse dixit, & solus ante omnes universorum hæres est constitutus, & tot tantisque præterea dotibus, magis quam ceteri omnes exornatus fuit (nam & oleo exultationis præparticipibus suis, a Deo unctus fuisse dicitur) ut merito filius Dei unicus fuerit appellatus. Adde etiam admirabili illum & celesti, non autem naturali & humana ratione, sicut alios omnes natum esse; propter quod etiam Dei filium vocatum iri, Gabriel angelus Mariæ eius matri prædixit. Quod autem Iohannes, cum Christum Dei unigenitum nuncupavit, geniturâ illum unicum esse neutiquam intellexerit, dubitari non potest, alioqui sibi ipsi contrarius fuisset, qui paulo ante Christo fidentes, ex Deo natos esse dixerat. Vocis etiam unigeniti sensus ex eo clarè percipi potest, quod Deus ita mundum dilexisse dicitur, ut filium suum unigenitum dederit. Nam si islic unigenitum, aliter

1. Part. 90
Prover. 4. 20

Heb. 1. 8

Luc. 1. 35

Ioh. 1. 18

aliter quam unice dilectum atque omnium charissimum interpretatus fueris, plurimum ponderis illi sententiae detraxeris. Nam & Abrahamo ita loquitur Deus, & non peperisti unigenito filio tuo propter me. Quo loco, jam demonstratum est non genituram unicum, sed dilectione potissimum Isaacum Abrahami filium appellari.

Plenum gratiae & veritatis.

Antequam ad Iohannis Baptista testimonium enarrandum se accingat, praestantissimo encomio Christum decorare Evangelista voluit: unde & salus nostra pender. Hominum siquidem genus mendacium irretitum, peccatumq; obrutum, quibus vitae sibi aditum pracluserat, seque morti aeternae addixerat, nulla alia re egebat magis, quam veritate & gratia, quae in Christo nobis affluenter a Deo patre nostro fuerunt exhibita. Nam quid aliud Iesu Christi evangelium est, quam veritas, & gratia, quibus aeternam vitam adipiscamur? vel potius vox Veritatis hebraea phrasit nihil aliud significat, quam Dei fidelitatem atque constantiam, qui, quod patribus promiserat, abunde per Christum praestitit. paulo autem inferius legemus quidem per Moysen datam fuisse scribitur, gratiam autem, & veritatem per Christum factam esse. illud certissimum est, Christum, non sicut Moysen, minas, & condemnationem, sed Dei gratiam, favoremq; spirasse, nec umbram, ut illum, & imaginibus populorum detinuisse, sed solidissimam veritatem omnibus patefecisse, cui quicunque fidem adjunxerimus, immersales tandem efficiemur.

Haec erant, quae tibi, optime lector, nota esse volebamus, ut quidnam hoc loco velis sibi Iohannes, perspicue possis intelligere, & humanis fabulis penitus explosis, divinarum litterarum certissimum sensum percipere assuescas. Sed quia fortassis opinio haec nostra, quam in his Iohannis verbis interpretandis attulimus, licet, si ipsam spectes, & sacrarum litterarum perpetuum tenorem consideres, absurda nemini videri possit, cum nonnullis tamen divini oraculis pugnare videbitur, animus erat in huiusce nostrae interpretationis calce, omnia ea loca adicere, quae nobis vel leviter adversari videntur, & ea ita dilucide exponere, ut non modo sententiam nostram non refellere, sed ex iis etiam aliqua eam non parum confirmare omnibus liquido appareret. Verum, quia istud non magni admodum laboris sit, id tamen in praesentia praestare non possumus. tempore enim excludimur, urgentq; amici, qui omnis mora impatientes, haec, quae proximis diebus, successivis horis scripsimus diutius premi nolunt, ajuntq; neminem, qui iudicii acumine penitus destitutus non sit, ex his quae jam scripsimus, locorum complurium, qui adversus opinionem nostram adduci sunt soliti, verissimam interpretationem conicere non posse, & eorum maxime qui receptae sententiae columna quaedam esse creduntur, quales sunt ii, in quibus de creatione per Christum facta, asseritur. Sed quod in aliud tempus differri necesse est, ne tibi auferri existimes, non solum enim hoc, sed & alia quaedam posthac visurus es, quae tibi impartire decrevimus, si otium, & vias
suppedi-

suppeditaverit, quam Deo, ejusq; ecclesia omnem perpetuo dedicare certum est. Ei vero, qui & que pollicemur, & longe majora per nos efficere, & prestare potest, soli sapienti & immortalis Deo, sit honor, gloria, & imperium per Iesum Christum nunc, & in omnem perennitatem. Vale, & veritati, vitæq; in primis sanctimonie stude. Amen.



MARTINUS CZECHOVICIUS (excipiente IOHANNÉ VOIDOVIODUM Czechovicus suū scriptū recitaret) offensus explicatione fratrum in illa verba, Erat apud Deū ille λόγος & homo Christus, id est, soli Deo notus.

1. Quomodo erat in mundo, si soli Deo notus erat?
2. Cur Angelis erat notus, si soli Deo notus? Angeli enim cecinerunt, Natus est vobis salvator.
3. Et sermo erat Deus. Quomodo Deus si ignotus erat?
4. Erat in principio apud Deum. Quomodo erat, si ignotus erat usque ad annos triginta?
5. Omnia per ipsum facta sunt. Quomodo omnia, cum nondum passus, nondum mortuus erat, nondum resurrexerat, nondum in cælū ascenderat & cetera?
6. Et sine ipso factum est nihil. Quomodo, cum illa, que superius dicta sunt, per ipsum non facta sunt?

7. In

7. In ipso vita erat, ille illuminat omnem hominem venientem in mundum. Quomodo illuminavit, cum adhuc tunc temporis, etiamsi homo erat, soli patri notus erat?

8. Fuit homo missus a Deo & cetera. Quomodo Iohannes de illo testatus est, si iam omnia per ipsum facta sunt: aut si iam docuerit, quid opus erat testificari de eo?

9. In mundo erat, & mundus eum non cognovit. Quid hoc rei est, quod renatus mundus non cognoscat Christum, cum per ipsum factus est.

Ad superiora Czechovicii objecta FAUSTI Socini responsiones.

1. Immo dici potest soli Deo fuisse notus, quia in mundo esset, & tamen nullus hominum, ne Iohannes Baptista quidem, illum tunc temporis nosset. Quod si in mundo esse pro eo accipiatur, quod est munus suum exercere, non eodem tempore dicit Evangelista, illum fuisse in mundo, quo erat apud Deum; sed hoc in principio, illud autem postea.

2. Vox Soli, voci Deo conjuncta, posita est ad exclusionem hominum non angelorum. Præterea etiamsi noverant Angeli eum esse servatorem, non tamen noverant qualis & quantus servator esset.

3. Christi divinitas non in operatione ipsa, sed in operandi potestate consistit, & præterea in exactissima rerum divinarum scientia. Vtraque autem infarum præditus erat Christus, etiam antequam mundo patefieret.

D

4. Im-

30 Explicatio primi Cap: Iohan:

4. Immo si erat, & erat ignotus usq; ad annos
triginta, quomodo non apud Deum, id est soli Deo
notus in principio erat?

5. Immo cum Evangelista scripsit ista omnia iam
facta erant.

6. Dicitio universali ad subjectam materiam, id
est, ad negotium Evangelii referenda est. Deinde ni-
hil supra narratur, quod factum sit prater ipsum Ser-
monem, per quem eundem non potuit ipse sermo fieri.

7. Soli patri in principio notus erat, non autem
postea, cum capit illuminare.

8. Hic, & huius, & proximè precedentis, &
quinti argumenti fallacia cernitur. Neq; enim u-
nica & simplicissima est narratio evangelistæ, eaq;
summo ordine digesta, ut ex toto contextu unicuiq;
patet. Igitur etiamsi prius dictum fuerit, per Sermo-
nem facta fuisse omnia, & postea missum fuisse Io-
hannem, non tamen illud prius fuit, hoc posterius.
Postquam enim Evangelista de Sermonem, quadam in
universum dixisset, iterum de ipso narrare incipit,
& quadam que obscurius antea attigerat, aliquan-
do clariùs exponere.

9. Mundus exiit per Christum, quantum in ipso
Christo fuit, factus, id est, reformatus, tamen eum
non cognovit. Nam & Servator mundi Christus di-
citur, licet pauci sint, qui servantur. Deinde nihil
impedit, quominus vox mundus varia significatione
hoc loco accipiatur.

11
BREVIS EXPLICATIO
& quasi paraphrastica ix. cap: episto-
læ ad Rom: ab eo loco (v. 6.) Non e-
nim omnes, qui ex Israël, &c. cujus
rei occasione, undecimum quoq; ca-
put ejusdem epistolæ, majore ex
parte, eadè ratione explicatur.

SCOPVS Pauli apostoli nono cap: epist: ad
Rom: alius nullus est, quam ostendere, non o-
mnes, qui secundum carnem ex Israël, hoc
est, ex Iacobo prognati sunt, esse veros Israëlitas, ne-
que omnes, qui ex Abrahami sunt semine, esse Dei
filios; quemadmodum apparet v. 6, & 7. ut quis sit
verus Israëlita Deiq; filius, necesse esse secundum
spiritum esse natum, exq; ipsius Dei promisso, quem-
admodum constat ex v. 8. Hoc autem aliud nihil est,
quam, ut quis sit verus Israëlita Deiq; filius, necesse
esse Christo fidem adhibere in eoq; spem suam collo-
care; non autem confidere carnali propagationi ex
Populo Hebræo, ac persuasioni servatæ legi Mosaicæ.

Iam verò, quòd Apostoli scopus h sit, quem di-
cimus, atq; adeò ita acceptus, ut nos eum exposui-
mus, demonstratur esse verisimum ex iis, que tandè,
verba sua concludens, ad hunc modum scribit; Quid
ergo dicemus? Quòd gètes que nò secta batur
justitiã, apprehenderunt justitiã; justitiã autè,
que ex fide est. Israël verò se stando legè justiti-
e, in legè justitię nò pervenit. Quare? Quia

nō ex fide, sed quasi ex operib: legis. offendē-
runt enim in lapidē offensionis, sicut scriptū
est. Ecce pono in Sion lapidē offensionis, & pē-
trā scandali; & omnis qui credit in eū, nō cō-
fundetur. Concludit igitur Paul⁹ manifestē, causā
justificationis nostrā, & consequenter, quōd simus ex
vero Dei populo, ipsiusq; Dei filii, esse Christo confide-
re; non autē conservare conari legem Moysi, iū, qui ex
Abrahamo & Iacobo sunt prognati, latam. Hincq; fa-
ctum esse, ut gentes, quā nihil min⁹ cogitabant,
quā, quā ratione corā Deo iusta evadere possent, in
Christum credendo, justificationem sunt adepti; Iu-
dei verō, quantumvis studerent, ut iusti in Dei con-
spectū evaderent, eō quōd in Christum non credi-
derūt, justificationem minime sunt adepti. Quinim-
mo, sicut in Christum credere causa fuit, ut ii filii
Dei fierent, qui prius ab ea re longē aberant; ita in
eundem Christum non credere fuit causa, ut ii a
populo Dei penitus disjuncti atq; abscisi fuerint, quā
prius saltem secundū carnem eius populi membra
erant. Hoc idem explicat idem Apostolus pluribus
verbū cap: 11. ejusdem epistole, ubi ab initio ait, quōd,
quamvis maior pars populi Iudaici in Christum non
crediderit, ac propterea a Deo rejecta fuerit, tamen
non est credendum, Deum universum illum populum
rejecisse, quem prius sibi in peculiarem populum ele-
gerat. namq; revera, eos tantū reiecit, qui in Chri-
stum non crediderunt. qui eū annunciat⁹ fuerat;
quemadmodum ostenderat precedente cap: 10. Qui
tamen si maximo sint numero, nonnulli tamen ex eo-
dem

dem populo crediderunt. Sic enim similiter Elie
tempore accidit. Nam, etsi Elie videbatur, univer-
sum populum Israël a Iehova Deo defecisse, & id-
circo prorsus ab eo rejectum fuisse, tamen Deus ad-
huc suos agnoscebat ex eo populo multos. Quocirca
ipsemet ad Eliam verba faciens, illi significavit, in-
cede illa, quam, ipsius jussu, Iehu & Eliseus, eius po-
puli facturi erant, se septem millia ex illis, id est,
magnum numerum conservaturum. Hi autem illi
omnes erant, qui Baali genua minime flexerant,
nec illum ulla ratione coluerant. Quamobrem Pau-
lus statim concludens ait, Sic ergo & in hoc tēpo-
re, reliquiae secundum electionē gratiē factae
sunt. Electionē gratiē vocat, propter fidem in Chri-
stū pro filio Dei haberi; quemadmodū divinā gratiā
ii in eade illa conservati fuerunt, qui Elia tempore
Baalem nequaquam coluerant; tamen si & his, &
illis quiddam inesset, quod in ceteris non inerat, qui
rejecti fuerant. Quin etiam, ut causa, cur septem illa
millia servarentur, fuerat, Baali nullum cultum ex-
hibuisse; sic causa, cur haec reliquiae servatae fuerint,
sit, in Christum credidisse. At nihilominus tamen haec
reliquiae servatae esse dicūtur ex gratuita electione.
neque enim aliter servatae sunt, quā pura Dei gra-
tia, qui pro ingente bonitate sua, eos omnes serva-
tum iri statuit, qui Christo confisi fuerint. nullam
rationem hic habens carnalis ullius propagationis,
aut ullorum operum, quae ii, qui credunt, fecissent,
quibus impulsus fuerit, ad tantum beneficium illis
dandum. Propterea, pergens inquit, Si autem gra-
tia.

ria, jam non ex operibus &c. Deinde subjungit, Israël em id minime consecutum esse quod querit, Electos autem esse consecutos. Quod ut aperte constat, illud idem re ipsa est, quod vidimus eum prius 9. cap: dixisse. nempe Israël em non pervenisse ad legem justitiæ, quam sectabatur: Gentes verò justitiã apprehendisse, quamvis eam neutiã sectarentur. Nisi quòd hìc Gentium loco Electos sive Electionem nominat, eos ex Iudaico populo intelligens, qui in Christum crediderant, quos vocat Electos ob eandem causam, ob quam, ut vidimus, dixerat suprã, quasdam reliquias ejus populi servatas fuisse ex electione gratuita. Qui igitur in Christum crediderant, & idcirco electi erant, ex bona Dei voluntate justitiã obtinuerant. reliqui verò, qui videlicet non crediderant, ut ibidem deinceps scriptum est, non modo justitiã non obtinuerant, verum etiam propter ipsorum incredulitatem, quamvis ex Abrahamo, Isaac, & Iacobo prognati essent, indurati fuerant. Quemadmodum Esaia tempore iis acciderat, qui Deo parere noluerant, & quorum labia modò Deum honore afficiebant, cor autem ab illo alienum erat, & quemadmodum David, qui Christi typus erat, precatùr. ut iis eveniat, qui iniuriã ipsi affligerant, ac persecuti fuerant. Hinc Paulus infert ac docet, Iudeis a Deo reiectis, eò quòd in Christum non credidissent, Gentes in eorum locum successisse, que crediderant. qua de re multa verba facit, assimilans incredulos Iudeos ramis naturalibus olea cuiuspiam, ex qua excisi fuissent, Gen-
tes ve-

tes verò crediderunt. ramis alicujus oleastri, unde sumpti, loco eorum, qui ab olea excisi fuissent, in eam forent insiti. Et tandem, ne Gentes, quibus precipue scribebat, hanc ob causam, in superbiam & confidentiam quandam ob acceptum tale a Deo beneficium inciderent, ad ipsos sermonem convertens, sic ait; Dices ergo, Fracti sunt rami, ut ego inferar, Bene propter incrudelitatem fracti sunt; tu autem fides. noli altum sapere, sed time. Si enim Deus naturalibus ramis non pepercit, ne fortè nec tibi parcat. Vide ergo bonitatem, & severitatem Dei; in eos quidem, qui ceciderunt, severitatem; in te autem bonitatem, si permanseris in bonitate; alioquin & tu excideris. Sed & illi, si non permanserint in incredulitate, inferentur. potens est enim Deo iterum inferere illos, &c. Ex quibus verbis aperte colligitur, causã electionis, & reiectionis, de quibus Paulus loquitur, quamvis quo ad Dei decretum attinget, nihil aliud ea sit, quam ipsius Dei voluntas, que hãc in re, ut ante etiam ex parte dictum fuit, nec carnali prognationis, nec operum que qui fecerit, rationem habet, eamem, quod ad rei ipsius effectum pertinet, esse fidem in Christum, & (ut sic loquar) in eundem incredulitatem; Deo pro sua sola gratia ac bonitate ita perpetuo volente, ut, qui in Christum crediderint, sint electi; non secus ac justo suo iudicio vult, ut, qui in Christum non crediderint, sint reiecti. cum interim ii, qui aliquando cre-
diderunt

diderunt, rursus possint non credere; & similiter ex altera parte, qui increduli fuerunt, ad credendum adduci.

Cum igitur, ut vidimus, Paulus Apostolus hac ipsa de re agat cap. 9. propterea, ut ibi probet, ad hoc, ut quis filius Dei sit, aliud requiri, quam ex Abrahami Iacobiq; stirpe esse prognatum, primum ait, hinc posse intelligi, Deum rationes istas carnaliter non tanti facere, quanti fortasse quidam existimant, quod quamvis Abrahami ipsi tam carus esset, tamen non omnes ab eo prognati, fuerant ab ipso electi; sed ii solum, qui per Isaacum ejus filium propagati sunt, qui Isaacus ex ipsius Dei promisso natus fuerat. Vnde tanquam ex typo quodam conjici potest, ad hoc, ut quis sit Dei filius ab ipsoq; electus, nihil momenti habere carnalem quamcumque prognationem, sed necesse esse spiritualiter nasci, exque divino promisso, id est, credere in Christum, atq; ex Deo per fidem in ipsum Christum nasci, ac pullulare, cum is ejusq; fideles sint semen illud in Isaac adumbratum, cui divinum promissum factum est. Id quod universum colligitur, ex 3. cap: Epist: ad Gal. v. 16, 19, 22, 26, & 29, atq; etiam ex cap: 4. v. 28. ubi dicitur, nos esse filios promissionis, ut Isaac fuit. nos videlicet qui in Christum credimus. Deinde non contentus Paulus hac probatione, ulterius progreditur atq; ostendit, ne illos quidem, qui per Isaacum sunt propagati, cui, ut dictum est, promissum divinum factum fuerat, fuisse omnes a Deo in suo populo numeratos. Quandoquidem ex duobus filiis ejusdem Isaacii, ex uno concubitu natis, alter ab eo fuit electus,

unde

unde ipsius populus nasceretur; alter vero omissus. tamen si is, qui electus fuit, post alterum in lucem fuerat eductus, ut tanto clarius constet, Deum harum carnalium rationum non habere rationem. Et, ne quis suspicari queat, Deum tamen earum habiturum fuisse rationem, nisi Esau improbitate sua commertus fuisset, ut in ipso Dei promissum minime servaretur, contra vero Iacob ob suam probitatem dignus habitus esset, in quo precipue id promissum servaretur; ait Paulus, Deum hac jam decrevisse priusquam nascerentur pueri, non modo antequam uteris eorum quidquam boni, aut mali fecisset. Ex quo sane apparet, Deum in hac electione & reiectione nullo pacto potuisse alterius rei rationem habere, preter ipsum suum propositum & voluntatem. Nec idcirco tamen (subjicit Apostolus) dici potest, in Deo ullam esse injuriam. quippe cum ille jure possit beneficia sua distribuere utcumque ipsi placuerit. nec cuiquam injuriam faciat, si ad nulla merita respiciens a nobis exogitata, huic dat, quod illi dare non dignatur. Hoc autem ipsius Dei verbis confirmat, que Mos dixit; videlicet, se fore benignum & clementem, erga quem sibi visum fuisset. Ex quo, ut ipse Paulus ait, necessariò sequitur, dona ac beneficia, quibus Deus homines afficit, non eorum esse, qui ea maxime vellent, utq; ea habeant laborent, & tanquam in stadio currunt; sed eorum demum, quos ipse Deus benignitate sua complecti constituit. Id quod ea ratione, qua supra ostensum est, ipsius Pauli tempore apparuerat in Iudeis; qui quamvis

D 5

& pa

& voluissent, & plurimum laborassent, ut coram
 Deo iusti haberentur, hocq; ab eo beneficium obti-
 nerent, non tamen idcirco id obtinere potuerant.
 Nempe qui id ea via tentaverant, quae ipsis ei rei
 accommodata visa fuerat, ex ipsorummet sensu, non
 autem ex voluntate Dei, sed in tantum illud obtinu-
 erant, quos Deus habituros constituerat. id est ii,
 qui eam viam ingressi fuerant, quam Deus ad id ob-
 tinendum proposuerat, & in Iesum Christum credi-
 derant. Ad huius autem veritatis clariorem demon-
 strationem, addit Paulus aliud testimonium sacra-
 rum literarum, ex quo intelligitur, quod, quemad-
 modum vidimus, Deum suam benignitatem imper-
 tiri, cui sibi videtur, sic idem Deus in illum severi-
 tate utitur, id est, eum propter ipsius peccata gravi-
 ter punire, quem punire statuit. Hoc autem testimo-
 nium ea verba sunt quae Deus iussit, Mosem Phara-
 oni nomine suo dicere. Profecto propter hoc ip-
 sum stare feci te, ut tibi ostenderem (sive in te os-
 tēderem) potentiam meam, utq; annūcietur nomen
 meum in universa terra. Vbi animadvertendum,
 verbum graecum ἐξυστρε, quod alii apud Paulum
 vertunt Excitavi, debere verti, ut a nobis factum est,
 stare feci. Sic enim est in Hebraeo, unde sumptus est
 locus, praesertim cum ipsum verbum graecum figura-
 te hanc significationem habere possit. Atq; hunc e-
 undem locum Septuaginta interpretes ita in graecam
 linguam converterunt, ut ad hunc modum latine sonet.
 Et hanc ob rem conservatus es huc usq; ut, & c.
 In magni autē Esblij Rob: St eph: Geneva impre-
 sic la.

sic locus explicatus invenitur. Ad verbum stare feci
 te, vel, manere. id est nolui te illico ob tuam impie-
 tatem exterminare. Potuisset Deus, si voluisset, o-
 mnibus, quibus consuevit, rationibus querere, ac cu-
 rare, ut Pharao a sua iniquitate recederet, eiq; igno-
 scere. Noluit tamen. Immo illi cor induravit, ut
 hinc maiorem causam haberet patresaciendi in ipso
 potentiam atq; excellentiam suam. quod quidem ille
 ob sua scelera, id est ob summam sevitiā, qua in
 populum Israēli & ipse, & decessor eius usi fuerant,
 planē commoverat. Igitur Deus, ut Apostolus subji-
 cit, benignus est, erga quem ipsi videtur, & similiter
 severus est, in quem ipsi videtur eum in ejus malitia
 indurans. Atq; ex hoc Pharaonis exemplo, omnino
 intelligi potest (id quod plurimum ad illud pertinet
 quod Apostolus potissimum demonstrare conatur)
 Deum in decretis suis, quae humanum genus respici-
 unt, nullam rationem habere personarum, nec ea-
 rum rerum quas mundus seu carnalis prudentia plu-
 rimi facit. Veluti, an quis sit rex potius, quam priva-
 tus, ac quidquid est huiusmodi. Caterum ex hac
 Pauli sententia, si quis maliciam suam excusare vo-
 luisset, Deoq; suae punitionis causam ascribere, potu-
 isset ansam sumere sic interrogandi; Cur igitur nos
 adhuc increpat Deus, & conqueritur, si ipse id facit,
 quod vult? aut quis est, qui ejus volūtati queat resiste-
 re? Cui respondet Apostolus, re: Quin immo, o ho-
 mo, quisnā tu es qui velis cū Deo contendere?
 Perinde ac si diceret, Nequaquam cōqueritur Deus,
 quemquamve increpat ob ea, quae secundum ipsius

voluntatem sunt. Sed iuues, qui te ipsum opponere tentas divinis atq; egregiis eius decretis, quippe qui ea cœco carnaliq; tuo iudicio metiare. An non satis habere deberes, nisi aliud ampliùs intelligere potes, quòd Deus huius universitatis est Dominus? Videturne tibi convenire, ut res ficta suo fictori dicat, Cur me sic finxisti? Nonne potest figulus ex eadem argilla massa aliud vas formare rebus honestis destinatum, aliud verò inhonestis? Sic Deus similiter potest clementia uti, erga quem ipsi visum fuerit, ac rursus non uti, erga quem ipsi non fuerit visum; nulla habita ratione eorum, qua humana prudentia consideranda censuerit, nec cuiquam sui facti rationem reddere cogitur. Iam quòd similitudines fictoris & figuli, neutiquam ad hominis creationem respiciant, sive ad certum finem, cui Deus scilicet singulos creando destinat, sed ad distributionem in ipsos beneficiorum Dei, ac debitarum pœnarum, præter apertissimū Apostoli scopum, demonstrant manifestè cap: 45. Esaie, & cap: 18 Hieremie; ex quibus locis ipse sine dubio eas est mutuatus. Verùm ut videas o homo (subjungit Paulus) etiam secundum a me allata exempla summam Dei iustitiam & equitatem. Dic (quesote) an non potuisset Deus jam diu gravissimè punire atq; undiq; exterminare eos ex populo Hebræo, qui Christum repulerunt, quos constat, maiore ex parte, etiam antequam eum repulissent, fuisse homines improbos, quemadmodum Dominus Iesus illis saepe exprobravit? Potuisset sanè. Quam ergo illis injuriam fecit, si eos multa cum le-

nitate

nitate diu pertulit, sicut etiam diu pertulit Pharaonem, ut in ipsis suam potentiam declarandi occasionem haberet, eos nimirum perdendo ea ratione, qua id factum esse jam videmus; & ad quam perditionem ipsi propter sua scelera properabant, sese indies magis dignissimos reddentes, in quos Deus iram severitatemq; suam exereret? Rursus, cuiam ille injuriam fecit, si, ut divitias gloriae suae ostenderet, illorum omnium est misertus qui in Christum Iesum crediderunt, quos gloriosos fore constituit; hocq; beneficium non modò in illos contulit, qui secundum carnem ex Abrahamo sunt prognati, erantq; ex ipsius peculiari populo; sed etiam in illos, qui procul aberant ab omnibus ipsius fœderibus atq; promissis? Quae omnia ut Paulus multò clariùs demonstrat, non debere videri nova aut insolentia, locos quosdam scripturae affert, ex quibus aperte probatur, primùm, Deum iam pridem prædixisse, se benignum futurum erga alios, quàm Iudeos, & pro populo suo habiturum eos etiam, qui prius non erant eius populus. Deinde, Deum aliàs Israël's populum universum, paucis quibusdam exceptis, graviter punisse, id quod typus quidam esse poterat huius postrema & maxima calamitatis, in quam illi iusto Dei iudicio inciderrunt. Ac tandem, ut ab initio diximus, & planum fecimus, concludit, causam, cur quis sit, aut non sit ex Dei populo, exq; numero filiorum eius, nihil aliud esse, quàm credere, aut non credere in Christum; idq; quia sic Deo est visum, nulla habita ratione carnalis propagationis ex Abrahamo & Iacobo, vel cuiusquam alterius rei similia.

APPENDIX
ad superiorem explicationem in 9.
cap. epistolæ ad Rom:

Paulus, ut ostendat, Deum in eligendo populo sa-
o Israëlitico non habuisse rationem simpliciter
& absolute propagationis carnalis, primam adferre
exemplum filiorum ipsius Abrahami, quem primam
omnium sibi delegerat, & ostendit, non omnes eius
filios, sed Isaacum tantum fuisse a Deo electum, ex
quo oriretur populus, ad quem pertinebant ipsius be-
nedictiones, neq; hoc contentus attulit præterea e-
xemplum filiorum ipsius Isaac, eorumq; eodem par-
tū natorum, ex quorum tamen utroq; noluit origi-
nem ducere populum suum, sed ex altero tantum, at-
q; adeo ex minoru natu. Verum potuisset qui poste-
riori isti exemplo obiicere, quod ad rem non faciat,
cum alia eaq; potentissima causa subesset, cur id a
Deo factum fuerit, nempe malitia maioru natu,
id est Esai, & probitas minoru natu, id est Iacobi,
que causa non sinit ut possimus dispicere, an Deus
hic habuerit rationem carnalis propagationis nec-
ne, & meritò facit, ut possimus concludere ita De-
um statuisse, non quia rationem carnalis propaga-
tionis non habeat, cuius alioquin semper habere so-
leat; sed quia malitia Esai, & probitas Iacobi illum
ipsum quodammodo coegisset, ut suam ordinariam
agendi rationem, in hoc casu minime servaret. Qua-
propter respondet Paulus huic considerationi nullum
locum esse posse, cum Dei decretum de eligendo Iaco-
bo, &

bo, & reprobando Esao pronunciatum fuisset, ante-
quam uterū eorum esset natus, nedum qui quā boni
aut mali fuisset. Apparet igitur, quod si ex eo quod
Paulus dicat, Deū in reprobando Esao, & Iacobo eli-
gendo nullā malorū aut bonorum operum utriusq; ra-
tionem habuisse, hinc colligi putes, Deum in eligen-
do & reprobando, ad opera eorum qui eliguntur aut
reprobantur nihil respicere, apparet inquam istū non
rectè colligere, cum Paul⁹ quidquid affirmat de bonis
aut malis operibus Iacobi & Esai non ad aliquid pro-
bandum eorum que sibi proposuerat, nec sua sponte
id dicat, sed tantum excipiendum, & quia tacite
objectioni que ipsi fieri potuisset, respondere & statu-
facere voluit, quod ostenderet exemplum Iacobi & Es-
sai a se allatum ad comprobandum, quod Deus sim-
pliciter & absolute carnalis propagationi rationem
non habeat, esse firmam & stabile, nec ullo pacto re-
spui aut recusari posse. Quod si idem urgeat ex hoc
exemplo tamen probari posse, Deum nihil inique fa-
cere, si alios servet, alios verò damnet, nulla habita
ratione bonorum aut malorum operum, que ipsi faci-
ant. Respondendum est, longe diversam esse rati-
onem beneficii non dandi, quod factum est in Esau,
& pœne inferenda, quod fit in iis qui damnantur.
Nam beneficium denegare etiam homini nihil mali
commerito unus quisq; jurè potest, at pœnam infer-
re, nullo prorsus modo.

Auctor manu sua cuidam hæc se-
quentia addidit

Paulus cum 9. capite epistolæ ad Rom. affir-
mat, De-

mat, Deum in decreto illo, quod Esau, quamvis maior, Iacobo fratri minori serviret, non habuisse rationem operum utriusq; non propterea hoc dicit, ut ostendat Deum in hominibus eligendis aut reprobandum nullam prorsus ipsorum operum rationem habere, sed ut tacite objectioni respondeat. Cum enim exemplum istud duorum illorum fratrum ideo attulisset, ut doceret, Deum carnalem propagationem ac prerogativam non tanti facere, ut sui Israelite putabant, potuisset ei aliquis objicere, tale exemplum minimè ad rem facere, eò quod decretum illud divinum non inde profectum fuerit, quod Deus ista carnalia non curet, sed inde, quod Esau malus, Iacobus autem bonus fuerit. Itaq; respondet Apostolus hoc minimè fieri potuisse, cum neuter esset natus cum decreto illud pronunciatum fuit; non negans alioque Deum in nobis servandis aut damnandis probitatis aut improbitatis ullam rationem habere, sed tantum affirmans Deum non in ad nos servando, moveri, quæ nobis probantur, sed tantum in, quæ ipse probat, a nostro sensu sepius valde alienis. (Illud verò Esauum odio habui, non id sibi vult quasi condemnaret Esauum, verum quia eum minus Iacobo amavit. ut loci similes habent Matth: 6, v: 24:

Luc: 14, 26.)



SEQUUNTUR ALIORUM locorum Sacrae scripturae explicationes.

Gen: 1. 26. Faciamus hominem.

IN omni fortasse lingua obtinuit, ut cum aliquis seipsum, quantumvis solum, ad aliquid faciendum adhortatur, vel se facturum decernit, si id ita esset, ut per subiectivum modum, græcè aut latine enunciari debeat, numero plurali utatur, ut apud Livium, lib: 39. Annibal, venenum sua sponte hausturus, Liberemus, inquit, diurnam curam populorum Romanum.

Gen: 3. 22. Adam factus est, sicut unus ex nobis.

VOX Nobis eos unà cum Deo complectitur, quæ cum ipso in celo habitans, vitamq; celestem & immortalalem degunt. Nam simplici etiam Dei, vel Iehovæ nomine, huiusmodi etiam cohabitatores aliquando intelliguntur, ut Psal: 115. Cæli cælorum Iehovæ; terram autem dedit filiis hominum. Adhæc Locus ex hebræo, sic verti potest, Ecce Adā factus est, sicut unus ex seipso, sciens bonum & malum.

Esaiæ cap: 42. Ecce servus meus &c.

Multifariam trahitur hoc caput. Quidam enim de Cyro interpretantur, de propheta quopiam alii; non pauci de Israël; plurimi, hoc præsertim

E

tempo-

Ad hujus sequentis loci explicati onem a Semijudaizante quodam propositam So cinus infra respōdet

tempore, de Iesu Nazarano. Mibi videtur ad Israëlem referendum; quod ex loci consequentibus pariter & antecedentibus facile evincitur, videlicet, cap: 49. v. 8, 9. cap: 41. v. 8, 9, 13, 14. cap: 43. v. 1, 2. Unde apparet, hæc verba de Israële bono & fideli accipienda. Nam quod dicitur Inimitari ei &c. intelligendum de cultu & nomine divino, quod solo Israële quodammodo nixum, soliq; cognitum fuit: ut videre est Deur: 4. v. 6, 7, 8. Sap: 18. v. 4. Zach: 8. v. 20, 21, 22, 23. Esa: 53. v. 8, & 11. Ex quibus omnibus constat per Israëlem bonum & fidelem reliquas gentes de Deo cultuq; ejus edocendum fuisse.

Esa: cap: 53.

Esi de morte Iesu plurimi accipiunt, tamen quæ id ratione probari queat, nihil apparet. immo nec antecedentia nec consequentia verba id suadent. opiniones verò & suspiciones quedam incerta, hoc in negotio sunt periculosissima. Quod enim novi fœderis testimonium adducunt, præposterè id quidem faciunt; cum vetus potius de novo testari, quàm citra debeat. Sed, ne novum quidem fœdus, de morte Christi quæ abluuntur peccata, hæc verba intelligit: sed de sanatione duntaxat variorum morborum, Matth: 8. v. 16, 17. Deinde, si res & verba capituli hujus diligenter ponderentur, non omnia (mibi crede) Iesu persona respondebunt. Potius itaq; ad Israëlem referenda, quod ut sentiam, potissimum huius scripturæ testimonium ducor, Esa: cap: 6. v. 3, 4, 5. cap: 45. Item cap: 52. v. 13, 14, 15. cap: 62. v. 1, 2.

Mich:

Mich: 4. v. 11. Sap: 18. v. 4. Ezech: 36. v. 23, 33, 34 &c. Cæterum quod de una quasi & certa quapiam persona loqui propheta videtur, licet populum intelligat, mirum non est, cum hoc sit frequens & usitatum in sacris litteris. verbi gratia, Dan: 7. v. 13, 14. Item Osee 11. v. 1. &c. &c.

RESPONSIO FAUSTI SOCINI, ad superiorum ex Esa- ia locorum explicationem.

Esa: cap: 42. Ecce servus meus &c.

NON potest hic locus referri ad Israëlem, cum huic servo tamquam bono & fideli multa tribuantur, quæ Israeli, qui nec bonus, nec fidelis servus erat, aut unquam fuit, minimè conveniant. Itaq; quod dicitur, de Israële bono & fideli hæc accipienda esse, planè nugatorium est. Nam si eam partem Israeli intelligi velimus, quæ bona erat, aut futura erat, nimis insolens erit hæc appellatio; Ea enim pars semper fuit valde exigua. quare nec Israeli simpliciter nomine appellari potest, nec per se tamquam persona aliqua intelligi, aut totius populi personam sustinere. At enim fortasse futurus est bonus & fidelis omnino Israel aliquando, & ad tempus illud hujus vaticinationis verba referenda sunt. Expectabimus igitur tempus illud, ut certo statuere possimus hunc locum de Israële, non dicam accipiendum esse, sed accipi posse. Cæterum alii eiusdem pro-

phetæ loci, ex quibus apparere dicitur, de Israël bono & fideli hunc locum accipiendum esse, nihil ad rem faciunt. Primum enim locus cap: 49. v: 6, 7, 8, non de Israël loquitur, sed de Messia, quem servum suum fore ait Dominus, ad erigendas tribus Iacob, & ad restituendas vastitates Israël. Hoc enim munus Messie, id est regis illius, qui sapius obscurè ab ipso ferme orbe condito promissus fuerat, clarè verò instante captivitate Babylonica sub Hieremia propheta capit a Deo promitti, proprium futurum fuisse, non autem ipsius Israël, quasi Israël Israelem erecturus & restiturus esset, hoc inquam ita se habere varii loci apud ipsum Hieremiam, Ezechielem, Danielem, & reliquos recentiores prophetas planissimum faciunt, & apud omnes Israelitas, semper in confesso sunt. At deinde alii loci nihil aliud probant, quam Israël a Deo vocatum fuisse suum, & servum suum. sed nullo pacto ostendunt, de Israele bono & fideli appellationes istas usurpandas fuisse. Nihil enim in illis dicitur, quod ad universum Israël sive bonum sive malum referri non debeat, non modo non queat, quemadmodum fit in loco nostro. Quare contrarium potius ex illis probatur, atque opus fuerat. Eiusmodi enim exemplis ostenditur, cum de Israele est sermo, etiam tamquam de Dei servo, quem ille pro suo agnoscat, totum Israël solere intelligi; id quod etiam per se & ratio, & loquendi usus evidenter docet. Sed finge in illis locis & similibus apud Esaiam, in quibus, Israël a Deo servum suum appellari, constat, de bono & fide-

deli

deli Israël accipiendum erit, quicquid apud eundem prophetam de bono aliquo & fideli servo suo Deus dixerit? Itaque de bono & fideli Israël hunc locum non quidem accipiendum esse, sed tantummodo accipi posse, ostendere possent loci illi, quacumque tandem ratione eos interpretari velis. Sed hunc locum nihilominus de bono & fideli Israele accipi non posse vel illud satis ostendit, quod de hoc servo dicit Dominus, se daturum illum in fœdus populi, id quod cap: quoque 49. dicit; ubi, quemadmodum dictum fuit, sine dubio de Messia est sermo. Nam quomodo, queso, bonus & fidelis Israël dari aut potuit aut potest a Deo in fœdus populi; cum ipse sit illi idem populus aut certe pars ejus: eaque talis ut ad ipsam potissimum fœdus istud pertineat? Taceo illud, non faciet audiri in platea vocem suam; quod satis aperte ostendit, de uno quopiam homine, non autem de populo universo, aut de parte populi, verba fieri. Sed quid si concederetur, hanc prophetiam, de Israele bono ac fideli non solum accipi posse, sed etiam accipiendam esse? Numquid inde sequeretur, eam de Iesu Nazareno non posse accipi? Non sanè. Multa enim alia fatemur nos de alio per typum seu figuram quandam predicta fuisse, quæ propriè tamen & verè in Iesu Nazareno impleta sunt. Et cap: 49. huius prophetæ, ubi, sicut dictum est, omnino de Messia agitur, id sub persona ipsius prophetæ fieri videtur. Quin etiam sub eadem persona ipse Messias, quem nos Iesum Nazaranum esse contendimus, ibidem Israël esse dicitur in illis verbis, Servus meus

E 3

[es]

[Es]tu, Israël (subaudi es) in quo glorificabor. Quare nullam absurditatem continet, si quis dicat de Israele quidem in loco nostro verba fieri, Iesum tamen Nazaranum precipue intelligi. Quamquam & de Israele nullo pacto verba fieri satis jam demonstratum est, & de Iesu Nazareno potius quam de ullo alio locum accipiendum esse id plane suadet, quod quidquid ibi dicitur, ad ipsum verè & proprie accommodari potest, id quod de nullo alio merito dicitur. Quid quod necesse est, si ad Israellem hanc vaticinationem, non autem ad Iesum Nazaranum, referri velimus, palam confiteri, eam nondum impletam esse, quamvis ab eo tempore quo fuit prodita, bis mille & quadringenti plus minus anni numerentur? Quid obsecro hoc est, vaticinationem istam in eo impletam fuisse negare, qui annis post octingentis circiter exiit, cuius omnino ad unguem conveniunt, & post ter octingentos annos adhuc expectare, ut in eo impleatur, qui, cum iam multo antè esset, & post semper fuerit, nunquam tamen is fuit, qui esse deberet, ut de eo hac sperari possint, cuius nunquam equè bene, ut illi alteri, ipsius vaticinationis verba accommodari poterunt? Debuisses saltem auctor scripti istius, cum unum hoc sine dubio propositum illi esset, ut de Iesu Nazareno prophetiam hanc minime accipiendam esse doceret, ostendere quid sit, quominus id fieri queat, aut planum facere, siue Israeli, siue cuiquam alii, ea que in ipsa dicuntur, magis proprie ac verè convenire, quam ipsi Iesu. Quod sine dubio nunquam fieret; nec ad Israellem,

quan-

quantumvis bonum & fidelem, ullo pacto locum accommodari aut debere, aut posse demonstrabit; nisi boni & fidelis Israelis nomine ipsum Iesum Nazarenum unam cum suis Apostolis, & aliis intelligas, qui ex Israeli populo Evangelii lucem orbi terrarum intulerunt, & gentes a falsis diis ad verum Deum colendum adduxerunt.

Esaiæ cap: 53.

TOTA hæc vaticinatio idcirco merito Iesu Nazareno accommodatur, quia nullus fuit unquam, cui ea prorsus conveniant, que in ipsa dicuntur, præter unum Iesum Nazarenum. Nec quicumque futurus est, qui demonstrare possit quippiam istorum ad Iesum non quadrare. Nam quod scripserit auctor dicit, nec antecedenti nec consequenti verba id suadere; cur verò non suadeant, cum in precedente Capite futura redemptione populi Israelis agatur, & in seq. idem apertius repetatur, utrobique autem de gentibus vel in sui admirationem trahendū, vel filie Sionis seu Hierusalem servituti subiiciendū sit sermo? Siquidem Iesus & Israeli populum, quantum in ipso fuit, ab æterna morte vindicavit, & a peccatorum servitute redemit, & simul gentes in sui admirationem traxit, sibiq; ex Sione & Hierusalem per Davidem & successores eius oriundo gentes subiecit. Quamquam enim est in Prophetis, atq; adeo in ipso Esaiæ, tanta verum que dicuntur continuatio, ut non sepe que vel antecedunt, vel consequuntur, nullam aut exiguam sumus, que in medio dicta sunt, convenientiam aut

E 4

EIJ 47

coniunctionem habeant. que madmodum neq; etiam ordo in illis seruatur; sed frequenter id quod postea futurum est, prius dicitur, & contra, quod ad scripta novi test: attinet, fatemur non posse inde interpretationem huius loci peti, si cum iu instituta fuerit disputatio, qui ea scripta rident, & nullo lo. o habent, vel etiam de illorum auctoritate dubitant, tanquam ii, qui spiritum sanctum in scriptis illu loquentem minimè agnoscunt. At verò, si cum iu, qui mentis oculos illuminatos habent, & vident ac sentiunt, scripta illa ab hominibus diuinu conscripta fuisse, disputatio fuerit, nullam meliorem interpretationem asserre quiquam potuerit, quam eam, que ex illu scriptis elici possit. Iam verò, etsi Matthæus Evangelista cap. 8. v. 16, & 17. vaticinationis huius partem ad sanationem variorum morborum corporis a Iesu factam accommodat, nihil verat, quominus eadem illa pars ad sanationem variorum quoque animi morborum accommodari queat. Non quidem ui pleriq; Christiani nominu affirmant, quia Iesus ea omnia passus fuerit, que populus & nos omnes propter animi nostri morbos, id est peccata nostra, pati debeamus, & hac ratione nos ab illis, id est ab illorum reatu, liberaverit; hoc enim longè a veritate abest. sed quia quemadmodum Iesus egrotos illos a corporis languoribus & infirmitatibus sanavit, & propterea, interprete Matthæo, dictus est tulisse & portare, id est abstulisse & asportasse languores & infirmitates nostras; sic etiam animi languores & infirmitates nostras curavit, cum ab ipsis peccatū nos liberando,
id est

id est, efficiendo, ne amplius in peccatis maneamus, tum verò postquam peccare desierimus, a pœna & reatu peccatorum nos asserendo, & pro suppliciū ac morte aterna, quam commeriti fueramus, beatam immortalitatem nobis dando. quod cum sine interuentu passionū & violenta mortis ipsius Iesu factum non fuerit (per hæc enim ad aeternam vitam & potestatem eadem vitā sibi obedienter & in posterum sobriè, justè, ac piè viventes, & mundana desideria omnia abijcientes donandi, ex Dei consilio & voluntate pervenit) idcirco prædictum fuit de ipso, quod livore eius sanati simus, & reliqua omnia, que in hanc sententiam hoc loco ab Esaiā copiosè sunt scripta. Et sanè in ipso novo testamento, contra quam scripti auctor affirmet, Esaiæ verba ad Iesum relata ad ipsos animi morbos accommodantur. ut videre est 1. Petr. 2. ad finem capitū. Quamvis autem non profus negandum videatur, hanc quoq; vaticinationem, sicut ceteras ferè omnes, que Messiam respiciunt, potuisse tanquam ad typum quendam alio ratione aliqua referri, quam ad ipsum Iesum, antequam Iesus existeret, tamen ad populum Israël eam accommodari posse, nullo pacto censendum est, propter eas rationes, quas in superiore loco examinando attulimus. potissimum verò propter illam, quod iu, de quo est sermo, propter transgressionem populi Dei percussus dicitur, ex quo manifestè sequitur, alium esse populum Dei, & alium, istum, de quo Esaias vaticinatur. Atq; hac sola ratione jam pridem ab Origene libro primo (ni fallor) contra Cel-

Sum interpretatio ista confutata fuit. Quid autem dicemus, quod is, de quo Esaias loquitur, occidendus & moriturus praedicitur? nam quando, rogo, Israelis populus vel occisus vel mortuus est? quod, propterea quia occidi & mori volueris, sive animam suam ponere hostiam pro delicto, futurum sit, ut videat semen longevum? quod enim, queso, fuit istud semen longevum visum ab Israelis populo? quod cognitione sui justificaturus sit multos, quorum ipse iniquitates peribit? nam quomodo haec umquam ab Israelis populo sunt facta? Taceo alia multa, quae nulla modo, quicquid R. David Kimchi potissimum conetur, quicquid comminiscatur, ad Israelis populum accommodari queunt. Immo nihil est prorsus, quod recte ad ipsum possit accommodari; etiamsi populi Israelis nomine eos tantum ex populo intelligas, qui boni & iusti erant, de quibus numquam verè & proprie dictum fuerit, quod iniquitatem non fecerint, nec inventus fuerit dolus in ore ipsorum. Verum nemo est, quin intelligere possit, cum propheta diuendo Nos, & Nos omnes, & Nostras infirmitates, & Nostras iniquitates, seipsum, id est, sui similes iu annumeret, qui ab isto servo Dei, de quo est sermo, distinguuntur, istum Dei servum, bonum & fidelem Israelitem esse non posse; nec fieri a propheta distinctionem inter malum, & bonum Israelitem, sed inter universum Israelitem, qui ferè totus in alius erat, & servum istum Dei. Locos qui afferuntur, quibus suaderi possimus, istius servi Dei nomine hoc loco Israelitem intelligi, per ea, quae in superioris loci examinatione

minatione dicta sunt, nullam id praestandi vim habere constat; nisi fortasse, si concedamus, locum 52. cap: id est finem ipsius cap: de Israele accipiendum esse. Atqui hoc concedendum non est; sed dicendum, ibi quoque, ut ipsa verba sonant, de certo quodam homine Dei servo agi, id est de Messia, quem nos Iesum Nazarenum esse asseveramus. Iam, etiamsi verissimum esset, aliquando, vel etiam frequenter in S. literis populum intelligi, licet de certa quadam persona videatur esse sermo; tamen hoc neutiquam ibi admittendum esset, ubi non quidem in paucis quibusdam verbis id factum fuisse necesse esset, quae etiam se ipsa explanarent, ut in Osea loco accidit, cap: 2. v. 1. sed in longa quadam oratione idq. perpetuè; quemadmodum hic contingit, sine ulla eius rei significatione, immo cum apertis indicis, quod nequaquam de populo sub appellatione illa sit sermo. Nam, quod ad Danielis locum attinet, cap: 7. v. 13. & 14. nihil obstat, quominus primum Messia ipsi regnum tribuatur, deinde verò idem regnum sanctorum esse dicatur. Vnum siquidem futurum tandem est Messiae regnum, & sanctorum. Quare nihil cogit contra omnem verborum vim illius romipe, qui similis erat filio hominis, non certam quamdam personam, sed populum intelligere.

Explicatio loci Esaiæ 49. v. 5.

Et nunc dixit Iehováh, qui me formavit ab utero servum &c.

Responso est triplex. Primum, quod locutio illa ab utero proverbialis & hyperbolica est, quae

in aliâ lingua præter hebraicâ utuntur, cum volunt significare aliquid ita planè esse, adeò ut perinde sit, ac si id, quod de ipso affirmant, esset ei naturale. Exempla afferuntur ex ipsis sacri litteris, ex Esaia ipso & Psalmis. Deinde, quod potest de aliquo dici aut predicari id, quod certissimè futurum est, licet nondum sit, quare cum ab ipso initio, quando Iesus est formatus in utero matris, certissimum esset illum fore servum Dei, meritò dici potuit, illum jam tunc fuisse formatum a Deo servum suum. Postremò animadvertendum est, in hebræo legi in servum, quod perinde exponi potest ac si scriptum esset ad servendum sive ut serviam, quemadmodum Tremellii & Lunii translatio habet, ita ut istud servire, ad tempus futurum referri debeat, non aliter atque id quod statim sequitur, ad reducendum &c. ad tempus futurum necessariò refertur, si, inquam, verba illa ab utero velimus debere propriè accipi: neque enim simul atque Iesus formatus est in ventre matris capit reducere &c. Potest addi etiam quarta responsio, hoc est, vaticinationem istam, ut ipsa verba omnino ferunt, tamquam in typo in Esaia primum suum esse habuisse, de quo certè dici non potuit, quod cum formatus est homo in utero matris sue, fuerit ob hoc ipsum formatus Dei servus, alioqui nihil dixisset Esaias, quatenus ad ipsum locus refertur, cum de omnibus hominibus idem dici posses. Adopræterea, quòd Esaias non dicit simpliciter servum, sed servum sibi, sive ipsi, & servili conditio vel forma, de qua Phil. 2, si humanam naturam significare posset, ita

accipi-

accipienda esset, ut ejus ibi sit mentio, i t est, simpliciter & absolutè, non autem cum relatione ad Deum. Nam alioqui ipsi quoque angeli sunt Dei servi, quin & ipse Dei filius, si non est ejusdem substantia cum ipso Deo, immo, si non est ipse Deus, sed ipso minor illi, subjectus, quocumque modo consideratus, necesse est, ut sit ipsius Dei servus, adeò, ut si erat, antequam homo nasceretur, necesse sit jam tum fuisse Dei servum, non autem ex eo factum esse, seu formatum Dei servum, quod homo fuerit natus.

Matth. 5. v. 21, 27, 33.

Dictum est antiquis &c. Ego autem dico vobis.

QUID QUID concessum, sub V. Testamento fuerit, necesse est ut id per se, nequaquam sit malum. Alioqui deus, mala fieri cõcessisset, quod ab ipsius natura, planè abhorret. Quòd igitur, quedam ex istis, sub novo testamento non concedantur, id non propterea fit, quòd per se mala sint; sed quia, cum in novo testamento ea promissa fuerint, quæ longè exsuperant naturam nostram, nempe immortalitas, sempiternaque beatitudo, conveniens fuit, ut præcepta quoque, naturam nostram superarent; id est non modo ea nobis interdicerentur, quæ per se mala sunt, sed multa quoque ex iis, quæ non sunt per se mala, quamvis a divina illa perfectione absint, quæ cum celestibus illis promissis rectè congruit atque consentit.

Matth. 9.

Matth. 9. 13.

Non veni ut vocarem justos,
sed peccatores ad poenitentiam.

HOC est, Quos veni servatum non sunt iusti, sed peccatores. vel. Non veni vocatum ad poenitentiam justos; hoc est, homines qui inculpatam vitam, quantum ejus fieri potuit degerant, sed peccatores; hoc est, eos, qui contra suam ipsorum conscientiam, & legem etiam Dei multipliciter peccaverant.

Marci 16. 15.

Ite in universum orbem, prædicare &c.

QUÆM AD MO. DVM ii qui parent legibus poenitentium, quamvis recte faciant, nihil tamen merentur, quia id quod debuerant facere, fecerunt; qui verò non parent, non solum malefaciunt, quia id non fecerunt, quod facere debuerant, verum etiam merito puniuntur: Sic ii qui divinis legibus parent (si rem ipsam per se, divinis promissionibus seclusis, considerare velimus) nihil merentur, etiamsi illi, qui non parent, nulli quantumvis propositis poenis, puniri tamen jure possunt. Hinc fit, ut perspicuum cuilibet esse possit, non esse eandem rationem premiorum & poenarum, & posse quempiam optimo jure ob id puniri, propter cuius contrarium, nullo premio omnino affici mereatur. Quare non mirum est, quod etiamsi nihil mereantur omnia bona opera nostra, seu quidquid boni a nobis proficisci potest; præsertim quod ad hoc
attinet

attinet, ut nobis, Iesu Christi evangelium prædicetur. Possunt tamen mala opera nostra, esse causa ne nobis, licet ante a propter ipsum, prædicetur? Et idcirco, quamvis idem Iesu Christi evangelium ex promissione divina, debisset omnibus prorsus nationibus prædicari, tamen propter mundi peccata merito fieri potuit, ut pleraque nationes, illud sibi prædicari non audierint, etiamsi illa, quibus prædicatum fuit, ut sibi prædicaretur, propter nulla sua bona opera, merita fuerint. Vide apud Hieremiam cap: 18. ut intelligas Deum promissa sua, propter eorum quibus promissa peccata revocare.

Lucæ 16. v: 19.

Vtrum quæ ex Christi verbis
Lucas de divite & Lazaro
scribit, historia sit an parabola.

QUOD ad divitem & Lazarum attinet, ego nihil dubito eam esse parabolam, non autem historiam. Ab omni enim verisimilitudine abest, Christum historiam ullam omnibus prorsus incognitam populo narrasse, nullo omnino testimonio de ea allato. Sed ut parabolam dixerit, verisimilimum id est cum enim, ut ex historiis & testimoniis veterum scriptorum colligitur, opinio de Abrahami sinu, in quem justis post hanc vitam recipientur, & de cruciatibus quos injusti homines similiter post hanc vitam in inferno sustinentur, vulgò apud populum illum

recepta esset, convenientissime Christus hanc parabolam inde texuit, ad avaros & crudeles in pauperes & miseros homines a tanta immanitate deterrendos. Perinde est enim ac si disertè professus fuisset, se velle ostendere, quid verisimile sit illi eventurum qui ita se gereret, & interim ipso omnibus delictis afflueret. Nam quod quidam objiciunt, non indicari, ut alibi solet, istam esse parabolam, hoc nihil est. Neque enim minus absurdum est, immo verò magis, ut Christus inducatur narrare historiam ex nullo peccati loco, non indicatoprius eum historiam narrasse, cum parabolam ferè innumeratim Christum dixisse constet, aliam vero similem historiam nullam. Adde, quòd paullo ante dicitur, ut omnes fatentur, parabola a Christo dicta scribantur, nequaquam indicato quòd sint parabola. Nam si quis velit, non Christum, sed ipsum Evangelistam ex persona sua narrationem istam scribere, id non modò per se absurdissimum est, sed reffellit evidentè a verbis, quae statim post narrationem istam sequuntur. ea enim manifestè ostendunt, ex Christi persona illam fuisse ab Evangelista expositam.

Lucæ 20. v. 38.

Deus non est mortuorum, sed vivorum Deus &c.

VIVUNT Deo Abrahamus, Isaacus et Iacobus, siquidem resurrecturi sunt. Sin minus planè sunt mortui. Quare, cum Deus se Deum illorum esse dicat, Deus autem non mortuorum sed viventium sit, ut

fit, ut resurgant necesse est. ita fit ut eodem tempore, sed diversa ramentatione, ipsi etiam Deo & mortui sint & vivant. Vivunt Deo, quatenus eam vitam aeternam dare omnino constituit. Mortui sunt Deo, quatenus nondum eam vitam illis dedit. Quòd ipsi Deo mortui sunt, in causa est, ut in in eo statu, in quo nunc sunt, perdurare nequeant, cum ipse eorum Deus dicatur, qui non mortuorum sed viventium sit Deus. quòd Deo vivant, in causa est, ut meritò à eorundem se esse professus fuerit, alioqui si omnino mortui essent, à ipsorum Deus nullo modo appellari posset. Rursus, si Deo omnino viverent, necesse non foret eos resurrecturos esse, ut à illorum Deus jurè appellari queat.

Lucæ 24. v. 47.

Quando primùm coeptum sit prædicari poenitentiam & remissionem peccatorum in nomine Christi Iesu.

Faustus Socinus manu sua.

ANTE QUAM Christus moreretur, & a mortuis postmodum resurgeret, in caelumq; ascendens immortalis fieret, omnemq; in caelo & in terra potestatem adipisceretur, prædicabat quidem ipse poenitentiam & remissionem peccatorum, atque idem faciebant ejus Apostoli ab eo missi ad annuntiandum regnum Dei, sed non tamen vel ipse, vel illi id in ipsius Christi nomine faciebant, nondum enim

rim Christus homines re ipsa immortalitate donandi, quã vera & absoluta peccatorum remissio continetur, prãditus erat, ea enim ipsius obedientiã prãmium & exaltationis sequela fuit. Propterea scriptum est apud Lucam ad finem historiae Evangelicæ, ipsum Christum dixisse, quod oportuisset Christum pati & tertia die resurgere, & predicari in nomine eius pœnitentiam & remissionem peccatorum. cui loco respondent in Actibus apostolicis hi duo cap: 3. v: 26. & cap: 5. v: 30. & 31. & alii similes nonnulli. Ex quibus etiam apparet, quid sit In nomine Christi, in verbis illis apud Lucam, ad est, Christo ipso id præstante & perficiente: apparet enim post Christi glorificationem, ipsum esse qui præstiturus & perfecturus sit remissionem peccatorum nostrorum, nos immortales efficiendo; quiq; nunc præstet ac perficiat, ut respiscere seu pœnitentiam agere possimus, quippe qui propria auctoritate eam pœnitentiam in remissionem peccatorum nobis per suos apostolos annunciet atq; proponat.

Ioh: I. v. 13.

Quæ est differentia, inter hæc tria?

QVI non ex sanguinibus, neque ex voluntate carnis, neque ex voluntate viri, sed ex Deo geniti sunt. Nulla est differentia; quia opponuntur simpliciter generationi ex Deo. Vel Sanguis & caro idem significant, ut etiam alibi. Hoc verò, tamquam nimis figuratum, a Iohanne fuisse

fuisse clarius explicatum, dum addit, Neque ex voluntate viri. Vel sensus est, ut Iohannes ea tria recenseat, quæ requiruntur ad carnalem generationem, 1. Sanguis; 2. Cupiditas carnis; hoc est Libido, quæ in homine latet. 3. Voluntas viri. Nam oportet ad generationem concurrere animum & voluntatem generantis, qui velit sobolem procreare.

Ioh: I. v. 15.

Antè me factus est, quia prior me erat.

Rectius sensum aliquando, in sua translatione sic expresserat Beza. Mihi prælatus est, qui a præstantior me est In priore membro, habet Beza ad stipulatores, non modo quos ipse in suis annotationibus citat, Chrysostomum, Augustinum, Cyrillum, sed omnes ut arbitror paulo eruditiores. In posteriore vero, non est, cur habere nõ debeat, cum verba ipsa id ferant, & infirmissima alioqui sit ratio ista, Quia prior me erat, si de prioritare temporũ id intelligatur; immo indignissima, quæ afferatur, & planè ridicula. Adde, quòd v. 27. ubi membrum hoc posterioris desideratur, videtur omnino eius loco positum fuisse, Cujus non sum dignus &c. Caterum, si quid scrupuli adhuc restat, ad illud eximendum consule Bezae annotationes.

Iohan: 3. cap: a versu 9. ad v. 17.
Paraphrasis.

Respondens autem Nicodemus, dixit ei, Ista quae dixisti, nec satis percipio, nec quomodo ea fieri possint intelligo. Excipiens vero Iesus, ait illi, Mirum sane videtur, te, qui tantus es in Israele magister, haec non percipere, aut ignorare. Id certum est, tibi de veritate eorum quae a me dicuntur, minime dubitandum esse. Quae enim loquor, ea planè novi, & de quibus testor, ea mihi perspectissima sunt, tamen si nullus est, qui testimonium meum ita ut deberet accipiat, ac probet. Quod si tibi velim, ea, quae dixi & non intelligis, apertius ac diligentius explicare, ve reor ne mihi fidem non sis habiturus, nec ea aut percipiturus, aut vera esse crediturus, quae dixerò. Etenim jam tibi, tuiq; similibus non pauca haecenus dixi, quae terrena praestitit, quibus caelestium appellatio verè convenit, meritò dici possunt, quae tamen vos non rectè percipitù, neq; illi planè assentimini, immo ea spernere videmini, cuiusmodi sunt, quae vos ab ipso initio docui, de vera poenitentia ac iustitia, deq; vera in Deum fide. Quinetiam haec ipsa, quae modò tibi dixi, quàm diu plenius atq; exactius non traduntur, terrena appellari possunt, quippe quae humanum captum nullo modo superent, donec ita in genere, ut a me factum est, proponuntur, nec ita proposita, ullo pacto illam divinam patefactionem excedunt, quae lege vestra continetur, ut sine dubio excedunt illa, quae ad eorum plenorem explicationem dicenda forent, quae propterea praestitit caelestia sunt omnino. Quomodo igitur ea tu, tuiq; similes percipere ac probare poteritù, si terrena ista non probatis, aut perci-

percipitù: Caestia quidem ut vos doceam, idcirco ad vos sum missus, nec praeter me quisquam est, qui in caelum ascenderit, ubi caestia primùm addiscuntur; praeter me, inquam, qui cum ibi essem, inde descendi, ut hoc, quod ibi addidici, docendi munus inter vos obeam. Quare necesse est, si quis caestia, sine quorum cognitione spes certa aeterna vitae concipi non potest, percipere velit, ad me venire, & plenam mihi fidem adhibere: quod ut facere quis possit, & nisi fecerit, ipsius culpa id evenire certum sit, propterea, non aliter atq; Moses, extulit in deserto, atq; in sublimi loco omnibus spectandum posuit serpentem illum aneum, in quem quisquis aspexisset, a venenatorum illorum serpentum morfu sanabatur: offerendus similiter sum ego, in crucem primùm, ac deinde in caelum & ad supremam potestatem evehendus, ut quisquis in me crediderit, id est, vera esse quae dixerò sibi persuadens, mihi confisus fuerit, a Satanae morfu, antiqui illius serpentis sanetur: inde aeterna mors consequitur, & vitam aeternam adipiscatur. Nam quemadmodum Dei consilio & iussu, fabricatus est a Mose serpens ille aneus, & in sublimi loco positus, miserante Deo populi sui, quantumvis id commeriti, summam illam afflictationem atq; interitum; sic eiusdem Dei decreto, ac voluntate, non modò exstiti ego unigenitus ejus filius, sed praeterea in gente amore, quo ipse humanum genus est completus, tradar, quamvis ipsi omnium filiorum precipuus ac carissimus, cruenta mortis; ut inde scilicet, per resurrectionem a mortuis, ipsius potentia exemprus

& divino imperio ac maiestate donatus, causa humano generi esse possim, ut in me, & sic per me in ipsum Deum credant, eiq; ex prescripto meo obediant, quo ab aeterna morte, cui omnes alioqui meritissimo subjacent, hac ratione liberentur, atq; aeterna vita participes fiant.

Iob. 3. 13.

Et nemo ascendit in caelum, nisi qui descendit de caelo, filius hominis, qui est in caelo.

AUte in verbis istis, tropus agnoscendus est, aut non agnoscendus. Si agnoscendus est, nihil impedit, quominus iste ascensus in caelum, & iste descensus de caelo, & deniq; istud, Esse in caelo, figurate accipitur, non minus quam adversarii velint, nomen illud Filius hominis, figurate accipi debere, & inde duas in Christo naturas colligi; & cum utrumq; simul fieri nequeat, nihil potest hoc testimonium adversarios juvare. Sin autem nullus tropus hic est agnoscendus, nullo modo possunt adversarii hoc loco, ad duplicem in Christo naturam probandam uti, cum id non nisi tropo agnito fieri possit, non nisi inquam agnito, per idiomatum communicationem, quam vocant, dictum fuisse de filio hominis, quod de caelo descendit, & in caelo fuerit. Nam certe, vel neutrum revera de filio hominis, id est, de ipso homine dictum fuit, vel saltem alterutrum non fuit dictum, si duplex Christi natura hic colligenda est. Sed commentitia plane est ista idiomatum communicatio, si ea

ita accipitur, ut quod unius tantum naturae est, alteri separatim tribuatur. Neq; enim, exempli gratia, quod solius animae est, corpori separatim tribui, aut vicissim quod solius est corporis, animae tribui potest. Quae admodum, enim non dicitur anima stare aut sedere, quia corpus stet aut sedeat; sic neq; corpus cogitare aut philosophari dicitur, quia anima cogitet aut philosophetur. Igitur, Nec filius hominis, sive humana natura in caelo fuisse dici potuit, ed quia ibi divina natura esset. Verum figurate omnino, in verbis istis loquutum fuisse Christum, figuramq; non in voce illa Filius hominis, sed in reliquis esse, verba quae antecedunt, planissimum faciunt; in quibus de caelestium rerum cognitione & intelligentia agitur, atq; ostendunt, in sequentibus, nihil aliud esse Ascendere in caelum, quam rerum caelestium veritatem investigare. Descendere autem de caelo, de iisdem rebus caelestibus edoctum fuisse. Et postremo, Esse in caelo, easdem res caelestes probe tenere, sive eas tamquam praesentes inspicere atq; intueri, quae omnia filio hominis, illi inquam homini, citra ullam naturam, id est, essentiam divinam, optime convenire possunt, ut certe conveniunt. Quod si tamen quippiam ita pertinax esse velit, ut nullum tropum, quamvis elegantissimum, eumq; facillimum, ac praeterea ipsi loco accommodatissimum, seu potius necessarium, qualis profecto iste est, in rebus istis admittere velit, nihil aliud restat, nisi ut filium hominum, sive hominem illum, & vere & proprie iam tum & de caelo descendisse, & in caelo fuisse dicamus. quod

nos sane, non modò libenter concedimus, sed etiam planè contendimus, nec ullo modò dubitandum esse dicimus, quin si Paulus, antequam moreretur, ad tertium usq; celum raptus fuit, Iesus ipse Nazareus, ejus magister & dominus, in celo fuerit, ibiq; aliquamdiu ante mortem suam, præsertim verò, antequam munus suum in terris obiret, commoratus fuerit. Ex quo fit, ut quidquid de descensu Christi de celo, de exitu ipsius a patre, de antecedente ejusdem visibilem ascensum in celum, ipsius ibidem commemoratione, in sacris litteris legitur, quod tanto perere contra nos adversarii urgere solent, ad nihil plane sit. Immo efficitur, ut adversarii nostri, qui nos, tamquam interpretationibus nostris a littera ipsa longè recedentes, accusare solebant, a nobis merito, hoc eodem nomine, accusentur; quippe, qui, quod scriptura, vel illi filio hominù, vel simpliciter, supposito illi, ut vocant, quod Iesus Christus est, aperte tribuit, divinæ cuidam a se somniatæ naturæ, sive essentiae tribuere non vereantur. Animadvertendum tamen est, quòd, si in loco nostro sine tropo, ea ratione, qua dictum est, Christi verba accipere velimus, non, Qui est in celo, sed qui erat in celo, legendù sit. Nam participium illud græcum, ὃ ὄν, ut etiam Erasmus & alii annotarunt, non minùs quàm qui erat, Qui est, verti potest. Sed postremò non est omittendum propter primam horum verborum partem illam, quæ Adversarii ipsi figuratè accipere coguntur, Et nemo ascendit in celum, omnino concludendum videri, totum locum figuratè accipiendum esse. Vix enim

nim invenies unquam, quomodo sine tropo aliquo dici poterit Solum filium hominù, in celum ascendere. Cum iam Elias eò ascendisses, ut aperte scriptura testatur, & idem de Enocho affirmari posse videatur.

Ioh 5. 27.

Pater dedit potestatem filio iudicium facere, quia filius hominis est, & paulo ante dictum est. Patrem non iudicare quæquam, sed omne iudicium filio dedisse, ut omnes honorificent filium, sicut honorificent patrem.

EX hùs locù manifestum est, Dei filium, & quatenus homo est, adorandum esse; & ideo adorandum esse, quia illi a patre datum fuerit omne iudicium. Itaq; errorù convincuntur, tum ii, qui si Christus non sit æternus Deus, ejusdemq; cum patre essentia, eum adorandum esse negant; tum ii qui idcirco eum adorari debere contendunt, quòd æternus deus sit, & ejusdem cum patre essentia. Iam verò Dei filium, quatenus homo est, adorandum esse, ex prædictis locù perspicuum est, propterea, quia ex eisdem patet, eum potestatem quam habet iudicium faciendi, tamquam hominem habere, hanc verò potestatem ejusmodi esse, ut omnes illum adorare debeant.

id est divino cultu afficere. Nam quid aliud est, datū fuisse potestatem filio Dei iudicium faciendi, quia filius hominū est, quā Dei filium, quatenus est homo, iudicium faciendi potestātē habere? Quid item est illud. Datam fuisse hanc potestatem filio dei, ut omnes illum honorificent, sicut honorificant patrem? nisi Dei filium propter hanc eandem potestatem, eodem honoris genere ab omnibus afficiendum esse, quo patrem afficiunt, & idcirco quemadmodum pater, divina ratione colitur, sic filium divina ratione, quia illi a patre fuerit datum omne iudicium, colendum esse, idq; ex supra positis locis, aperte colligi, ex iis que modo diximus, liquidò constat. Ex quo sequitur necessario, Dei filium, qui Christus est, non esse æternum, nec ejusdem cum patre essentia, tantū abest, ut hæc sit ratio cur adorari debeat. (Nam ea que sit, jam & dictum, & evidenter probatum est) Si enim Christus æternus, & ejusdem cum patre essentia esset, quid opus fuisset eum quidquam accipere? aut quomodo illi potuisset dari potestas ulla, ad hoc ut adoraretur? Hoc enim ille jam prorsus habuisset. Quandoquidem datio ista, ad eternā illam generationem referrī non potest, non solū, quia expressè dicitur, eam potestatem illi fuisse datam, quia sit filius hominū, id est homo; & certum est Christum, quatenus hominem, non esse æternum. Sed etiā, quia expressum est, ita omne iudicium filio esse datum, ut pater non iudicet quemquam. Per eternam enim illam generationem, datum filio a patre nihil fuisse volens, quod sibi ipsi planè atq; eodem modo,

modo, quo filius ab ipso habuit, non retinuerit. Nec verò potuit, quatenus homini, ea potestas & adoratio Christo a patre dari, si cum homine illo, in eadem persona, ipsa divina essentia conjuncta erat, que per se necessario efficiebat, ut homo ille, & potestatem istam haberet, & adoratione dignissimus esset, idque multò efficacius, quā ulla alia ratione fieri possit, ut hæc eadem a quoquam consequeretur.

Ioh: 6. cap:

Quid sibi velint verba hæc passim apud divum Iohannem in hoc capite obvia, Filii hominis carnem edere, & sanguinem ejus bibere?

Quia mors Christi hoc in nobis gignit, sine quo servari non possumus, hoc est, fidem, ideo vocatur caro Christi cibus, sanguis verò ejus potus, idq; quæ ταφωρῶς. Quemadmodum enim verus cibus & potus est causa hujus vitæ, non quidem per se, sed si sumatur; sic caro & sanguis Christi pro nobis traditus est causa vitæ, non quidem per se, sed quòd fidem in nobis gignunt, ob quam nos Deus pro sua gratia servare decrevit. Idcirco māducare Christi carnem, & bibere ejus sanguinem, non aliud est, quā ex Christi morte fidem in Deum per Christum acquirere: aut, ut hoc etiam addamus, sciendum est, mortem Christi non quidem in se occultam quandam efficaciam habere, ejusmodi fidem, quā coram Deo justificamur, in nobis gignendi: sed quia resurrectio Christi ex mortuū, que istam vim & efficaciam fidei in nobis gignende in se habet, ut 1. Pet. cap: 1. v.

3. & 2. cap. v. 21. videre est, sine ista morte precedente fieri nequiverit, merito mortis Christi causa fidei, & consequenter salutis nostrae tribuitur.

Loci Ioh: 16. v. 8, 9, 10. explicatio.

AR G U E T de peccato. In Graeco est *περι ἁμαρτίας*. Hoc est, Occasione peccati, quod in Iesum non credant. Quae modo etiam ea verba ita sunt accipienda Rom: 8, 3. Ut peccata tollerentur. Et Heb: 10, 6. Holocausta *περι ἁμαρτίας*; hoc est Quae siebant ad tollendum peccata. De iustitia, Quia iustum est, vel fuit, Christum auferri e conspectu hominum, & numquam ab eis conspici, quem ita indignè tractarunt. De iudicio, Quia Christus per mortem suam, victurus erat eum, qui mortu habebat imperium, hoc est, diabolus. Per spiritum enim sanctum quem dedit Christus, innotuit, illum factum esse dominum caelestem, ipsius etiam diaboli. Nam spiritus testatur etiam Iesum esse Christum 1. Ioh: 5. Primum horum pertinet ad homines, Secundum ad Deum, Tertium perse est, neq; in Deo, neque in homine; sed extra utrumque.

Locus Iohan: 17. 5.

Et nunc clarifica tu me pater.

A Efertur vulgò hic locus ad probandum, Dei filium existisse reverè ante mundum conditum. Verùm inter alia, quae demonstrant perperam id fieri, illud imprimè dignum consideratione est, quod factu constat, fieri nullo pacto posse, ut Dei filius eam claritatem seu gloriam ante mundi creationem re-

vers

vera haberet, quae se affici a Patre verbis istis petit. Quae de re explicatum est a nobis, cum alibi, tum verò in disputatione nostra cum Erasmo Iohanni. Iam hac ratione telo ex hoc adversariorum manibus extorto, facile est deinde in ipsos idem statim retorquere, ostendendo, cum certum sit, gloriam, quam Dei filius hoc in loco petit, longè aliam esse a quacumq; quam ante mundum creatum apud patrem reipsa habere potuerit, iam ex isto ipso loco evinci, fieri non posse, ut Dei filius ante mundum conditum aliquam gloriam reipsa apud patrem habuerit, et consequenter necesse esse, ut ut revera ante conditum mundum minimè extiterit. Nam si aliquam gloriam iam tum revera apud patrem habuisset, numquam, cum vellet patrem rogare, ut se quadam alia gloria afficeret, longè ab ipsa diversa, ejusmodi verbis usus esset, quibus ista ipsa tamen disertè peteretur, quemadmodum hic est usus; sed ita omnino locutus fuisset, ut manifestè appareret, illum aliam petere, quam re ipsa ante creationem mundi non habuisset.

Ibid: v. 11. Pater sancte serva eos per nomen tuum, quos dedisti mihi, ut sint unum, sicut & nos.

C H R I S T V S propterea suos hinc discessurus patri commendavit, quia munus & potestatem eos, licet absens, gubernandi nondum adeptus fuerat. quod quamvis, ut alibi apparet, ipse futurum sciret, decebat tamen eum antequam id re ipsa fieret, praetantem ita loqui, ut ea ratione, & id deinde sibi ex

patris largitate datum agnosceretur, ipseque se idem agnoscere profiteretur, & discipuli ipsius precationem eius audientes, non solum quam ipse eos caros haberet, perciperent: verum etiam, videntes se Deo tam efficaciter a charissimo suo filio commendatos fuisse, bono animo essent, & absente licet ipso animum tamen non desponderent, immo ne mortuo quidem, pro quo tempore potissimum preces illas a Christo suscipi credendum est. Illud enim, nunc autem ad te venio, & similia verba que in ea precatione sunt, non ipsum ascensum in celum, sed mortem, que nisi intervenisset, in celum ipse non ascendisset, & que idcirco via dici poterat eundi ad patrem, & mundum relinquendi eo in loco significare non incommode possunt.

Quod autem Christus, licet ad eum modum convenienter pro eo tempore, & re presente loqueretur, sciret tamen se denuo curam suorum gesturum, satis ex iis constat, que ipse dicit Iohan: 14. 22, 23. ut alia testimonia omittam. Quin etiam id ex ea ipsa precatione ad patrem perspicuum est; inquit enim ad finem illius, Et notum feci eis nomen tuum. Et notum faciam, ut dilectio qua dilexisti me in ipsis sit, & ego in ipsis. Nonne id se hic facturum dicit, quod ibi a patre petierat, ut eadem etiam utrobique causa, cur ita petat & loquatur, ostendit. Dixerat enim, Pater Sancte &c. v. 21. Nam se quoque servasse eos in nomine ipsius, testatur ipse subiungens, Cum essem cum eis in mundo, ego servabam eos in nomine tuo: Hoc autem idem

idem esse, re ipsa cum illo, Ego notum feci eis nomen tuum, satis apertum videtur. Quare idem quoque, re ipsa censendum est, Et notum eis faciam nomen tuum, & servabo eos in nomine tuo.

Quomodo Iesus Christus sit de semine Davidis; de quo apud Paulum Rom: 1. v. 3, 2. Tim: 2, v. 8. 2. Samuelis 7, agitur. Item, Cur Iesus Christus, vocetur, filius Ioseph, & quamobrem Matthaeus a Luca, in describenda genealogia Christi, discrepet, brevis explicatio.

Paulus semini Davidi mentionem facit, non ut persuadeat, Christum revera ex eo semine natum esse, sed tali tamen ratione, ut predictionibus divinis, quod ex eo semine nasci deberet, satisfactam censeatur, ut ostendat, hac etiam in parte, que maximi momenti apud Iudeos habebatur, Iesum talem esse, qualem Christum futurum prophetae predixerant. Etenim, si, qui nascebatur ex uxore illius, qui ea sine liberis relicta decesserat, eius censebatur, quamvis post mortem ipsius, ex alio viro, id est ex fratre eius nasceretur; multo magis filius alicuius censendus est is, qui ex ipsius uxore, ipso adhuc vivente nascitur, nec ab ullo alio viro generatus fuit, licet neque etiam ab ipso fuerit generatus. Nulla enim videtur esse causa, cur is qui ex ea nascitur, que mea caro adhuc est, nec ullo pacto, ab alio quo-

piam generatus est, meus filius omnino censerinon
debeat, mihi scilicet a Deo, ea ratione qua illi visum
est, datus & donatus. Itaq; cum Ioseph, Mariae maris
Iesu maritus, ex familia Davidis esset, merito Iesus
ex semine Davidis natus dicitur, cum ipsius Iosephi
filius iurè haberi possit; quippe, natus eo adhuc vi-
vente, ex ipsius uxore, nec tamen ab alio viro ge-
neratus. Id quod multò magis dicendum est, quòd le-
gitur apud Eusebium, historie ecclesiasticae libro 1.
cap: 7. ex epistola quadam Africani, gravis historici.
Ibi enim legitur, ideo apud Lucam, Heli filium di-
ctum fuisse Iosephum; quòd natus esset post ipsius
mortem ex ejus uxore, quam duxerat Iacob frater
uterinus Eli, ad suscitandum videlicet semen fratri,
cum ù ex ea nullos liberos suscepisset. Erat enim,
licet frater tantùm uterinus, ex eadem familia Da-
vidica, ipso quidem ex Salomone Davidis filio pro-
gnato. Ex qua historia, quam approbat, nullo tamen
nominato auctore, præclarus ille scriptor, cujus sub-
nomine Iustini leguntur responsiones quaedam ad
Orthodoxos, responsione ad questionem 66. & 133.
apparet conciliatio inter Mattheum & Lucam, in
Iesu Christi genealogia; & simul apparet Iosephum,
sive ejus naturalem generationem spectes, sive lega-
lem, ex stirpe Davidis fuisse. Vnde meritissimò Chri-
stus Iesus, qui illius filius censetur, ex semine Davidis
natus fuisse dicatur.

Paraphrasis in V. Caput ad Roman.

CVM igitur a Deo iusti habeantur, propterea
quòd ipsi confidimus, pacem habemus cum ipso
Deo.

Deo: idq; per Iesum Christum nobis contingit. Nam
præterquam quòd per ipsum factum est, ut nihil du-
bitemus, nos peccatorum nostrorum plenissimam ve-
niam, id est, ab ipsorum pœna liberationem perpetu-
am consequuturos; per eundem etiam prædicta fidu-
cia vi, aditus nobis patefactus est ad hoc Dei bene-
ficium atq; favorem, in quo stamus, & cuius parti-
cipes sumus, gloriantes, quòd spem habeamus, nos
aliquando Dei gloriam viuros, & ejus participes
futuros. Neque verò, propter id solam gloriamur;
sed etiam quòd in calamitatibus simus, cum comper-
tum habeamus, ex calamitatibus nostris tolerantiam
atq; patientiam, ex patientia nostri ipsorum proba-
tionè, ex probatione spem gigni; quæ spes nostra, mi-
nimè fallax esse potest, vel nos unquam pudore affi-
cere, cum ex divina virtute, & propter spiritualia
dona, quæ nobis largiter data fuere, in ipsis cordibus
nostris effusam erga nos Dei charitatem & bene-
volentiam sentiamus. Nam cum adhuc infirmitate
& morbo quodam animarum nostrarum laborare-
mus, Christus, ut nos confirmaret atq; sanaret, tem-
pore a Deo præstato, nostrum causa mortuus est; no-
strum inquam, qui mali, atq; impii eramus: tamen-
si vex inveniat, qui hominis iusti & pii causa mo-
ri velit. Etenim viri probi causa, fortasse invenia-
tur, qui mori non recuset. Quamobrem maximam
erga nos charitatem ac benevolentiam Deus osten-
dit, quando quidem, cum adhuc peccatores essemus,
& coram ipso iniusti, voluit, ut Christus, ipsius dile-
ctissimus filius, nostrum causa mortem subiret. Mul-

5. Non folt
autem &c.

6. Vt quid
enim &c.

8. Commen-
dat autem
&c.

Id igitur magis nunc, cum jam per effusionem sanguinis Christi factum sit, ut Deo confidamus, ob eamque rem iusti ab ipso habeamur, servabimur per eundem Christum ab ira, quam Deus suo tempore adversus eos, qui in ipsum contumaces sunt, effusus. Nam si cum ipsius inimici essemus, Deus, ut nos sibi reconciliaret, atque efficeret ut ipsius amici evaderemus, filium suum morti tradidit; multo magis cum jam cum ipso reconciliati eiusque amici facti simus, servabit nos a morte, per eundem viventem suum filium, qui sic ut jam mori non potest, sic ut huius nostra salutis causa moriatur, nihil est necesse. Neque verò solum de predictis rebus gloriamur, sed etiam de Deo ipso gloriamur, ut videlicet id re, per Iesum Christum Dominum nostrum, iam nostra facta, quatenus per ipsum Christum ad Deum conversi sumus, ex quo ipse Deus, unde ob scelera nostra amebat prorsus excideramus, nunc pro bonitate sua, ex liberalissimo suo decreto atque promisso, nos fieri planè est factus. Hinc concludi potest, quòd, quòd admodum per unum hominem, id est, per Adamum, peccatum & divina voluntatis (ut sic dixerim) inobedientia in mundum est ingressa, & per ipsum peccatum mors certa atque perpetua, (hæc siquidem fuit poena, merito ipsi peccato a Deo constituta) sic per unum hominem, id est per Christum, in mundum ingressa est obedientia, & per ipsam obedientiam vita certa atque perpetua, id est, a morte liberatio & resurrectio, cum firmissima securitate non amplius moriendi. Hoc siquidem est præmium, quod

31. Non solum autem &c.

32. Propterea sicut &c.

ex sola sua benignitate, Deus isti obedientia constituit. Et sicut morti certe atque perpetue obnoxii fuerunt, quicumque ab Adamo secundum carnem prognati sunt, quatenus omnes peccarunt; ita similiter, vitæ certe atque perpetue participes sunt, quicumque a Christo secundum spiritum sancti prognati, quatenus omnes Deo obediant. Certum enim est, etiam ante legem, quam Deus per Moysen dedit, peccatum in mundo fuisse, & homines peccasse, quandoquidem multa contra Dei voluntatem iam tum faciebant. Nam si quis dixerit, Vbi nec lex, nec præceptum ullum est, ibi quantumvis quis peccet, non posse illi peccatum imputari a Deo, ut iure eius de penas: ne hanc rationem nunc diligentius examinem, breviter dico, satis fuisse ut homines prædicta morti merito essent obnoxii, eos ex Adamo secundum carnem natos esse, qui iure ei fuit obnoxii. Quod ita se habere inde intelligi potest, quòd ab ipso Adamo, usque ad Moysen, mors in eis etiam regnavit qui non peccaverant, haud sanè aliter, ac si aliquod Dei præceptum transgressi fuissent, ut Adamus primus homo transgressus fuit; qui typus & exemplum est secundum hominis, qui venturus erat, nōpe Christi; ex quo quicumque secundum spiritum nati fuerint, id est, in Dei præceptorum obedientia ejus similes erunt, vita aeterna donabuntur, ad quam ipse per obedientiam suam pervenit, etiam si peccatores fuerint aliquando, non secus atque si integram ac perpetuam obedientiam deo præstassent, ut fecit ipse Christus. Verumtamen non o-

Et ita in d. mnes &c.

13. vsque ad legem &c.

25. Sed non sicut minino paria sunt Adami peccatum, & donum a Deo per Christum in nos collatum. Nam si unius hominis delicto multi sunt mortui, multo magis Dei gratia & donum, ea benignitate comprehensa, quam unus homo Christus Iesus Dei nomine mundo attulit, exuberare debuit in multos. (præterquam quod in eo etiam differt donum istud ab eo, quod accidit per eum qui peccavit; quod iudicium illud a delicto uno profectum est, per ipsum iudicium punito, eiusque finis fuit condemnatio. Huic autem dono causam dederunt multa delicta, quæ per ipsum condonata fuerunt, eiusque finis fuit absolutio.) Etenim si unius hominis delicto mors in mundo regnavit, & sic per unum illum hominem regnavit, a quo videlicet regnandi initium sumsisit, multo magis in iis, qui exuberantiam istam tantæ gratiæ & doni, quo ab omni reatu absolutio continetur, accipiunt, regnatura est vita per unum hominem Iesum Christum, qui videlicet ad hanc vitam primus pervenit, eiusque aditum ac viam alius patefecit. Quemadmodum igitur unius hominis delicto iudicium in omnes homines derivatum est, ad eos morte damnandos, sic unius rectitudine derivatum est donum in omnes homines, ad eos ita absolvendos, ut vitam æternam habeant. Quandoquidem, sicut per inobedientiam unius hominis factum est, ut multi propterea, quod ex ipso secundum carnem nati essent, peccatoribus sint habiti, atque ut tales tractati, sic similiter per obedientiam unius hominis, multi propterea, quod ex ipso secundum spiritum sunt nati,
- pro ju-

pro iustis sunt habendi, atque ut tales tractandi. Iam, Lex autem lex Mosæica dudum existit ac subintravit, unde peccatum manifestius & gravius factum est, quasi in eum finem illa data fuerit, ut peccatum augeretur. Verum, si auctum est peccatum, aucta est pariter, immo exuberavit Dei gratia & beneficium, ut, quemadmodum peccatum regnavit, homines morti necessaria iuste subiciens, sic Dei gratia & beneficium regnet per absolutionem ab omni ipsius peccati reatu, hominibus vitam æternam donans, per Iesum Christum Dominum nostrum.

Epist: ad Rom: cap: 8. v. 1. &c. Paraphrasis: Nulla igitur nunc [est] condemnatio, iis qui, sunt in Christo Iesu, &c.

Idcirco autem dixi me Deo agere gratias per Iesum Christum, quod, qui divini beneficii a Christo nobis allati, ut quidem mihi contigit, participes facti sunt, ii prædictæ condemnationi nulla ratione jam sunt obnoxii: neque enim iam carnis sed spiritus obsequuntur. Spiritus namque vitalis imperium, cui & ego, & omnes qui Christi sunt subduntur, nos a iugo peccati & mortis asseruit. Nam quod legi in carne, hoc est, in hominibus per ipsorum carnis fragilitatem, efficere posse non dabatur, id effecit Deus hac ratione. Misit in mundum unigenitum filium suum, non minus quam nos carne circumdatum; & ipsum tamquam peccatorem plurimis malis, & ipsi denique crucis mortis subiecit, atque ut peccatum aboleret, in ipso,

ipso sic in carne peccatum penitus extinxit. Siquidem eum & innocentissimum esse voluit, & a morte cui universum humanum genus prorsus obnoxium est, vindicavit ac sempiterna vita donavit. Unde factum est, ut nos immortalitatis spem concipientes, carne licet circumdati, non carni sed spiritui obtemperandi, non voluntatem modo, sed vires etiam adepti simus. et sic a peccati servitute liberati, iusti coram Deo: habeamur, non sicut atq; illi habiti suscipiens, qui totam legem servassent.

I. Cor. 1. v. 17.

Non in sapientia verbi, ne inanis reddatur crux Christi.

NON fuit annunciatum evangelium, neq; annunciari debuit cum sapientia sermonis, ne inde fieret, ut etiam homines impii, & quos, si in impietate sua perseverent, Deus vult perire, ipsi evangelio fidem adhiberent; propterea ipse apostolus statim subjungit ea verba, Nam crucis sermo, stulticia est illis, qui pereunt; ac si diceret, Hoc ita est omnino a Deo constitutum, ut illi qui pereunt, crucis sermo stulticia sit. Non esset autem illis stulticia si evangelium cum sapientia sermonis annuncietur.

I. Cor. 6. v. 18.

Qui scortatur, in proprium corpus peccat.

Quia fornicationis actus vel semel tantum, & a cuiusvis aetatis ac sexus homine commissus, maculam perpetuam aspergit, ac notam quasi corpori inurit, qua ab aliis videtur internosci. Huic explica-

tioni duo ad stipulantur loci, Rom: 1. cap: v. 24. in verbis, In impuritatem, ut ignominia afficerent corpora sua inter se. Ad Theff. cap: 4. v. 3, & 4. Ut abstineatis a scortatione, & sciat vestrum unusquisq; suum vas (id est, corpus) possidere cum sanctificatione & honore.

I. Cor. 15. v. 32.

SI mortui non resurgunt, igitur omnia quae pro Christo gravissima pericula subii, perinde se habent, ac si ego in theatro publico cum bestiis pugnassem, quod est absurdum. Omnes meae afflictiones & pericula summa, quae subii, non erant absimilia illis, quae ab hominibus miri solent, qui ostentandi roboris, & acquirendae vanae gloriae causa, cum bestiis in theatro publico pugnare solent. Quod si ita est, ne ego omnium invenirem stultissimus, qui tanta pati voluissem frustra.

Ephes. cap: 4. v. 15, & 16. Paraphrasis.

Verum tales simus, ut in rebus divinis veritatem, veramq; de illis doctrinam tenentes, iuncta simul charitate erga Deum & erga homines, in omnibus & per omnia in Christi spiritu ac disciplina adolescamus. Est siquidem Christus caput scientia rerum divinarum, & illi, qui scientiam hanc tenent, ejus sunt corpus, cujus corporis membra congruenter simul compacta & coagmentata inde, id est, ab ipso Christo, tanquam a suo capite per commensuras omnes, per quas virtus ad haec efficienda

apta subministratur, incrementum sumunt, eâ mensurâ, quâ singulis est opus; cum hac quippe proportione & non aliter sit incrementum istud, unde totum corpus augetur & adolescit, seq̃ ipsum constabilit ac confirmat, in eum potissimum finem, ut charitas a Deo præscripta exerceatur.

Ibid: cap: 4. a v. 20. usq; ad 25. eiusdem capituli.

AT verò vos in Christi disciplina non ita edocti estis; si modo illa rectè vobis exposita fuit, vosq; per illam didicistis, (quemadmodum quidem secundum ipsum Iesum Christum verissimum ac certissimum est) oportere vos deponere veteres mores, in quibus videlicet antea versabamini: ii enim, ut qui a deceptricibus cupiditatibus proficiuntur, corruptissimi sunt, & ex altera parte novis usq; decentibus sumptibus cogitationibus, & novo eoq; decente fine omnium actionum vestrarum vobis ipsis proposito, mores plane novos induere; eos, inquam, quos Deus per Christum Iesum præscripsit, nobisq; a se quodammodo formatos servandos tradidit, plenos iustitiæ & sanctitatis non ementitæ, aut inanis, sed solidæ atq; verissimæ.

Ephes: 5. v. 11.

Et ne commercium habueritis cū operibus illis infrugiferis tenebrarū, sed potiùs etiam arguite.

Nolite esse participes operum tenebrarū dignorum, quæ nullum fructum, sed potiùs damnum affe.

afferant, immo ea coarguite: siquidem opera eiusmodi, ut tenebris digna, sic ex aliqua mentis caligine proficiunt, & facile coargui possunt, & adeo sunt coargutione digna, ut turpe sit vel ea quidem nominare. Quicquid verò coarguitur, a statu tenebrarum ad statum lucis adducitur, ita, ut tenebræ ille prorsus evanescant, cuius rei causa est lux, quam coargutio in se continet, ita ut quicquid hac ratione illustratum fuerit, lux appellari possit, quippe quod ad statum lucis adductum fuerit.

Coloss: 2. v. 8.

Videte ne quis vos decipiat per philosophiam, & inanem fallaciam &c.

HO C agit Paulus, ut persuadeat Colossensibus, ne usquam alibi querant, quomodo Deum colant, aut rerum divinarum quas nos scire opus est, cognitionem expiscentur, quàm in Christo, relicta plane, quod ad hanc partem attinet, humana sapientia, & ipso Mose.

Ibid: cap: 2. v. 20. 21, 22, 23.

Si ergo mortui estis cum Christo ab elementis mundi, quid tamquam viventes in mundo dogmatizamini &c.

Sententia esse videtur totius huius loci, videlicet non debere tangi, non debere gustari, non debere contrèctari quedam, ista, inquam, non divina, sed huma-

humana precepta sub Evangelio esse, & propterea dignum reprehensione illum esse, qui Evangelii factus particeps istū adhuc teneri velit, quamvis aliqui hac ipsa rationem sapientia habeant, & sapienter facta dici possint, quatenus in illis hac continentur. Primum, quod cultu voluntario fiunt; Deinde, quod modestum ac demissum hominis animum ostendunt; Postremo, quod per illa corpori non paritur, & sic in nullo honore seu precio sunt, quod attinget ad carnis saturitatem. Itaq; Paulus non quidem absolute ista laudat, & sapientie rationem habere dicit, immo potius aperte vituperat; sed tantum non damnat, immo sapientie alicujus nomine commendat, quatenus, ut dictum est, ista continent.

I Thess. 5. v. 23.

Ipse autem Deus pacis, sanctificet vos per omnia, ut integer spiritus vester, & anima, & corpus, sine querela in adventu domini nostri Iesu Christi servetur.

Sensus apostoli est, ut cum Christus advenerit, & spiritus, & anima, & corpus istorū, ad quos scribit, nullo vitio infectū inveniat. Sic enim sepe Apostolus loquitur, ac si Christus adveniēns, sit deprehensurus vivos Christianos omnes. Iam ut sciamus quid sit id quod optat, necesse est scire quid intelligat nomine spiritus, item, quid anima & corporis. Spiritus est id, quod alio nomine vocari potest, mens seu ratio superior, quatenus scilicet est illustrata, a Dei patefactione

illa,

illa, qua continetur in evangelio, ita ut cum Paulus optat, spiritum esse sine ullo vitio atq; perfectum, aliud nihil optet quam ut nullus error, nulla ignorantia divine patefacte voluntati in eis sit, ad quos scribit, & simul ad reformationem mentis & rationis superiorū, per patefactionem istam nihil illis desit. addeō, ut & cognoscant & probent ea qua deo placent, pleni bona spe consequendi felicitatem illam, quam Deus eis promisit, qui patefacta ejus voluntati acquieverint. Quod porro ad animam attinet, desideria, cogitationes, & demq; voluntatem in omni actione intelligit, quam vult esse integram, & plane virtute conformatam, ita ut isti nihil cupiant, nihil cogitent, nihil denique velint, quod virtuti & recte rationi adversetur; que anima in homine, alio nomine, seu potius nominibus, appetitus & ratio inferior vocari potest. Ea enim utrumq;, quamvis sepe alterum alteri adversetur, omnino complectitur, secundum quidem Pauli mentem, nempe, qui corporis nomine aliud nihil intelligere videatur, quam externas actiones nostras, quas ejusmodi esse vult, ut nullo pacto ab eo absint aut dissentiant, quod Deus nobis prescripsit, ita ut non satū sit, eas si a prescripta divinitus norma discedant, neq; ab appetitu nostro vera, neq; ab electione spontanea voluntatis nostrae proficisci; sed quodammodo ex coactione quadam, ut si quis externē idolum aliquod adoret, non quia ad id faciendum appetitu aliquo trahatur, aut ipse aliqui sua sponte id facere eligat; sed vel metu alicujus magni mali, si id non fecerit, vel aliorum e-

xempla

exemplo, consuetudine, impulsu, ad id faciendum adigatur. Differunt igitur ea inter se, que ab anima & corpore procedunt, & quidem ita, quemadmodum ostensum est in presentia.

Paraphrasis verborum Pauli Apostoli I. Tim. I. a v. 5. usq; ad v. II.

IA M finis & scopus omnis Evangelicæ præceptionis est, ut qui charitate, ex puro corde bonæ conscientia & fide non ficta proficiscente, sit præditus, quem scopum non attingentes quidam, & ab his omnibus aberrantes, de via declinaverunt, & ad vaniloquentiam diverterunt, dum student & esse & videri legis doctores, cum interim non noscant aut intelligant, neq; ea que ipsi dicunt, neq; ea de quibus tam firmiter asseverant. Scimus quidem & nos legem esse bonam, modò qui ea sic usatur, ut finis, in quem data est, omnino postulat: præcipue verò si non ex ea ipsa justus coram Deo pronuntiari, vel ipse querat, vel, ut alii querant, doceat. Neque enim verus ac proprius legis ferenda finis fuit, ut quis per eam justificetur, indeve justificationem suam petat, que tota pendet ex Dei, peccata, & contra ipsam legem perpetrata delicta ignoscentis, clementia ac misericordia. alioqui enim si ipsius legis per se vis spectetur, condemnat illa quemcumq; adversus ipsius præcepta quicquam delinquentem. Scias autem iste clementiam misericordiamq; divinam, quam diximus, illi tribui, qui in nullo peccato graviore manent,

nent, adeò ut, ipsius Dei proposito & actione inspecta, constanter affirmare possimus, adversus ejusmodi homines legem non esse latam, etiam si aliquid interdum in ipsam legem peccent. Atque hi sunt quos justos divina oracula appellant. Non igitur adversus homines justos, id est, in nullo graviore peccato manentes, lata a Deo lex fuit, sed adversus omnes legi contempores, omnemq; subjectionem recusantes, adversus impios & peccatis deditos, adversus eos qui omnem innocentiam & sanctitatem spernunt, quales sunt patris matrisve percussores, homicide, adulteri & scortatores, masculorum concubitores, plagiarii, mendaces, perjuri, & alii hujusmodi, qui ea committunt, in iugum manent, que sane doctrina adversantur. Nam ipsum quoque gloriosum beati summiq; Dei evangelium, cujus annuntiatio mihi mandata & concredita est, & ad quod divulgandum ac permovendum te mi Timothee constitui, quamvis divina mansuetudinù ac lenitatis sit plenum, tales homines tamen damnat, eiq; æternam mortem denunciat.

Ad locum illum Hebr. 7. v. 3.

Sine patre (Melchisedech) sine matre, sine genealogia, neq; initium dierum, neq; vitæ finem habens, &c.

CM hujus epistolæ scriptor vellet hoc loco docere, Iesu Christi sacerdotium adumbratum fuisse olim in Melchisedeci sacerdotio, quatenus scilicet

non pendet ab ulla promissione, alicui certa hominum familia aut generi facta, & quatenus Christus Iesus, ut sacerdos, nec ulli successit, nec illum ipse successorem est habiturus; Propterea ait, nec patris, nec matris Melchisedeci mentionem fuisse factam, nec ipsius Melchisedeci initium dierum, aut vite finem commemoratum esse. Nam certe cuius nec pater, nec mater commemoratur, de eo pater querere non debere, cuius familiae aut generis fuerit. Cuius etiam dierum initium (subaudi, in sacerdotio obeundo) & vite finis prorsus reticetur; certe de eo nihil dicitur, quod ad hoc pertineat, ut ipse in suo sacerdotio alii cuiquam successerit, vel alius ipsi. Itaque non est cur quisquam existimet, ideo Melchisedecum ab hoc scriptore appellatum fuisse $\alpha\tau\tau\alpha\tau\alpha\tau\alpha$ & $\alpha\mu\acute{\nu}\tau\alpha\tau\alpha$, quasi Christus quoque possit dici esse sine patre, & sine matre, sed neque etiam ideo dictum ab eo fuisse, Melchisedecum nec dierum initium, nec vite finem habere, quasi Christus similiter sic dierum initium non habeat, ut vite finem non habeat. Nam preterquam, quod ista, quae de Melchisedeco ab eo dicuntur, alium sensum ut habeant necesse est, quam quem ipsa verba sonant, eum videlicet, quem supra complexi nostris verbis sumus, est etiam animadvertendum, ab hoc scriptore hoc eodem ipso loco dici, hisce in rebus, non quidem Christum Melchisedeco, sed Melchisedecum Christo, seu Dei filio assimilari, ita ut modo quae de Melchisedeco ex sacris litteris narrat, ea omnia complectantur, quae de Chri-

Christo in eo adumbrata fuisse vult. nihil si necesse ut vicissim, ea quae Christo tribuit, nihil non continent eorum, quae de Melchisedeco commemorat. Es sane Christi nec mater ignoratur, aut in sacris litteris reticetur, & pater ille, quem solum revera & habuit & habet, Deus, disertissime apud sacros scriptores & commemoratur, & inculcatur. Eius vero obeundi sacerdotii initium, simul atque videlicet post sanguinis sui fusionem in calum ingressus est, aperte satis ab hoc eodem scriptore pluribus in locis exponitur, & quamvis eternum sit ejus sacerdotium, donec scilicet seculum hoc duraverit, tamen finito hoc seculo, illud non amplius duraturum illud satis indicat, quod scriptum est, eum tunc Deo & patri regnum redditurum. Neque enim sine regno consistit sacerdotium istud. Itaque constat, ea, quae hic de Melchisedeco dicuntur, si recte intelligantur, non contineri omnia illa, quae Christo tribuuntur huius pertinentia, sed tantum huius omnia ista adumbrata fuisse, quemadmodum dictum est.

Explicatio loci ad Heb. cap. 13. v. 9. 10.

Optimum est gratia stabilire cor, non escis, quae non profuerunt ambulanti in eis. Habemus altare de quo edere non habent potestatem, qui tabernaculo deferviunt.

APOSTOLVS ut allegorica quadam ratione confirmet, non esse ponendum cultum in cibis,

ait, hoc ex eo apparere, quod in sacrificio pro nobis peracto, pontifex pro nobis ingressus est in sancta. Nam sub lege, quandocumque pontifex ingrediebatur in sancta, ut scilicet eo inferret sanguinem mactata pecudis, tunc non licebat quidquam comedere ex pecude illa mactata, sed necesse erat eam totam igni comburere; cum tamen alioquin, quandocumque pontifex in sancta non ingrediebatur, oporteret illam comedere, & in ea re ex parte cultus divinus positus esset. Est autem animadvertendum, quod nomine illorum, qui tabernaculo deserviunt, intelligit omnes Christianos. Sacerdotes enim sub lege tabernaculo deserviebant. Atqui Christiani omnes sunt sacerdotes, ut non in uno loco sacrarum litterarum scriptum est. Subjicit autem apostolus aliam allegoriam, eamque duplicem, ut ostendat legis ritus cessasse. Ait enim, quod quemadmodum tunc, cum pontifex in sancta ingrediebatur, pecus mactata extra castra comburebatur, quam combustam, cultus ille divinus finem suum accipiebat, id est, penitus absolvebatur; sic nunc in sacrificio pro nobis peracto, cum pontifex in sacra ingressus fuerit, quiddam quod ad sacrificium peragendum requirebatur, factum est a pontifice nostro, extra urbem Ierusalem, id est, Victimam nostram mactatam, & ejus sanguis fusus, cum tamen alioqui in omnibus legalibus sacrificiis pecus deberet in castris ipsis mactari, que castra, in hac allegoria, ut apparet, respondent circummurorum Ierusalem. Primum igitur sub ipsa lege adumbratum fuit, cultum divinum perficien-

dum esse, citra & extra ritus illos legales, per castra illa significatos. Deinde id ipsum plane adumbratum fuit, cum extra urbem Ierusalem, que totum legalem cultum significat, ea pars sacrificii nostri peracta est, sine qua esse non potuit, & qua, ut dictum est, intra castra secundum legem peragenda fuisset.

Paraphrasis in finem tertii cap: epistolae prioris Petri apostoli a v. 17, usque ad finem. Ubi non paucis Theologis de descensu Christi ad inferos agi videtur.

PRÆSTAT enim fratres, ut bene facientes, si *xp̄i τὸν* modò ita ferat Dei voluntas (neque enim ultro *χαίρει &c.* mala nobis accersere ipsi, aut adire debemus) ab impiis hominibus affligamur, & multa mala patiamur, quam malefacientes. Nam & Christus ipse dux, & *ὁτι καὶ* premonstrator noster semel tantum, id est non iterum moriturus, ipsam mortem a scelestissimis hominibus sibi illatam, cruciatibus, ac dedecore plenam, ita Deo volente, subire non recusavit, non quidem propter delicta aliqua, que ipse commississet, sed nostrorum peccatorum causa, ut ea ratione scilicet et nos a peccati pena & servitute vindicaret. Itaque mortuus est ipse justus pro nobis injustus, ut ad Deum, a quo propter iniquitates nostras, & mentis nostre cecitatem quam longissime aberamus, spe immortalitatis deinde nobis facta, nos resurgentes & divina luce collustratos adduceret. Factum est enim, ut licet is propter infirmitatem carnis necatus fueris, *δοξα τοῦ*

εὐ εὐ ἡ
τοῖς &c.

fuerit, & mortem gustaverit, divina tamen vi atq; potentia, ad immortalē vitam, postmodum sit restitutus. Per eandem verò divinam vim atq; potentiam, cum hinc ad patrem profectus esset, dimissis per universum orbem discipulis, & ministris suis, qui tantam ejus adversus mortem victoriam predicarent, & palam testarentur, eorum etiam hominum mentibus, & animis clarè concionatus est, & veritatem patefecit, qui malitia & ignorantia vi, quodam quasi carcere, tamquam iræ dei captivi detinebantur, & contumaces fuerant aliquando. Quod non secus accidit, atq; cum etate Noë, Dei lenitas atq; clementia hominum contumaciam respicientiam expectaret, quos arca, que ab ipso Noë ex divino præscripto construebatur, ipsorum officii, & divini quod imminabat supplicii, satis admonebat. Verum, quemadmodum tunc temporis iram, quam adversus impios Deus exercuit, pauci admodum effugerunt; ita videlicet tantummodo, qui in aquarum diluvio illo arcam sunt ingressi, octo inquam ille anime, que sole ex tanta hominum multitudine in ipsis aquis conservate sunt: sic etiam hoc tempore fiet, ut ii soli divinam iram que in cælestes homines exercenda est, effugiant, & in ipsis calidus immisus malis conserventur, qui baptismi arcam, in tanta malorum, que deus mundo inferet, collavie, ingressi fuerint.

εὐ σαρκῶς
&c.

Baptismum autem intelligo, non illam quidem, quo corporis sordes ablauntur, ac deponuntur, sed quo fit, ut, animis sordibus ablatis, atq; depositis, bone conscientie nostræ erga Deum testimonium, in nobis ipsis ferri sentiamus. Hoc autem non aliunde

nobis contingit, quàm ex resurrectione Iesu Christi, quem propter ea imitari, Deoq; nostro obedire, in mediis etiam calamitatibus nec recusamus, & merito gloriamur. Is enim, ut dictum est, injustissimè antea vexatus, & acerbissime morti traditus, nunc supremam apud Deum potestatem & auctoritatem obtinet, in cælum divina illa, de qua diximus, vi atq; potentia profectus, qua etiam subiecti illi sunt omnes angeli Dei, ceteriq; quotquot sunt, qui ab ipso Deo, sive in cælo, sive in terra dignitatem, aut imperium aliquod sunt consequuti.

2 Pet: 1. v. 5.

Subministrare in fide vestra virtutem &c.

Hic est verus nexus hujus catena, ut ex assensu prædicationi evangelii adhibito proficiatur, ut homo Christianus postea viriliter sese gerat & viresumat. Hinc veram ac solidam cognitionem ac scientiam rerum divinarum petit. Inde nascitur, ut sese contineat ab omni carnis cupiditate. Et in hoc sibi vim faciat, teneret ac perseveret, que continet verbum ὑπομονή. Nunc non tantum continens est, que est virtus erga seipsum, vel (& ita potest explicari) alii non nocet: sed pius etiam evadit. hoc est, spiritus carnis voluptatibus, & abjecta rerum mandanarum cura, totus ad Deum & religionem se convertit. Ita affectus amat fratres, & deniq; charitatem que describitur 1. Cor: 13. exercet, neq; tam suam pro fratre ponere recusat. Nam εὐ γὰρ πῦρ plus complectitur quàm φῶς.

Hujus loci explicatio. Socino scripta non est, sed ex dictis ore rapta. &c.

H 2

λα.

λαδ'ελφία. Notandum quòd Petrus hic loquatur, quemadmodum in Ecclesia fratres sese gerere debeant.

In Iohan: Sommeri explicationem cap: 1. ad Col: F. Socini Animadversio.

PAULVS ad Coloss. cap: 1 v. 20, non loquitur de reconciliatione, quã nos ei reconciliati sumus; sed de ea, qua omnia qua in cœli & in terra sunt, id est, angeli hominesq; inter se sunt reconciliati. Nam de altera illa reconciliatione loquitur versu sequenti. Nec Græca verba εἰς αὐτῶν, qua Beza interpretatus est Sibi, ita accipi debent, ut reconciliationem istam cum Deo factam fuisse intelligamus; sed ita, ut ad Deum, ejuſq; cultum & gloriam omnia referantur. Nec sanè crediderim Grammaticæ rationem, verbiq; Græci ἀπὸ καὶ τῶν ἀδελφῶν construendi usum, ut aliter locus explicetur, ferre posse. Quare perperam fecit Beza, qui locum ita convertit, ut de reconciliatione cum Deo facta, ibi omnino agi videatur. Quamquam non dubito, quin etiamsi ejus interpretatio retineatur, possint verba Pauli, ut nos fieri debere affirmamus, explicari. Idem enim Paulus, hac eadem de re ex parte ad Ephes. scribens, cap. 1. v. 16. ait, Vt reconciliaret ambos in uno corpore Deo, per crucem: ubi apud me satù exploratum est, vocem Deo, nihil aliud significare, quàm ad seruiendum Deo, aut simile aliud quidpiam. Non enim de inimicitia hominum cum Deo, ut ex antecedentibus liquet, eo loco verba fiunt, sed de inimicitia, que inter gentes & Iudeos erat. Non dubium est is-

est tamen, quin Beza interpretatione sua, pro quarto casu cum præpositione, tertium substituerit, qui putaverit Paulum de reconciliatione, qua cum Deo omnia reconciliata sint, disserere. Quanto rectius Erasmus, qui verba Erga se εἰς αὐτῶν reddidit, que interpretatio appositissima est, & reconciliationem cum Deo factam minimè significare potest, nisi tamen vehementer fallor. Non putaverim enim Latine dici posse, Reconciliare erga se, pro eo, quòd est Reconciliare sibi. Præterea est animadvertendum, Veterè interpretem In ipsum, ea verba reddidisse, hodieq; non paucos Græcos codices exstare, in quibus, non εἰς αὐτῶν, deſo spiritus, sed εἰς αὐτῶν legatur; que lectio planè explicationem nostram confirmat. Nam si ad Christum ea verba referantur, jam ex illis, de reconciliatione cum eo facta, hic sermone esse, nihil elici potest, eoq; verisimile est, omnino de alia verba fieri, cum nullo modo fieri posse videatur, ut angeli cum Deo per Christum reconciliati fuerint, quidquid nostri theologi hac de re scripserint, & commenti fuerint. Loci igitur sententia est. Non modò homines inter se; id est Iudeos cum gentibus; sed angelos quoq; cum hominibus per Christum, per quæ ejus mortem (in qua nimirum Deus, se universo humano generi benignissimum præbuit) a Deo reconciliatos fuisse, ita ut ad se omnia, ad quæ suam gloriam convertat; sive ad Christum, ejuſq; gloriam. Nam supra quoq; v. 16. de Christo dixerat Apostolus, In ipsum omnia creata esse. Quis autem negat, istam hominum secum ipsis, & cum illis angelo-

rum concordiam, ad Dei, ipsiusq; Christi gloriam pertinere; immo ejus ultimum finem, utriusq; gloriam esse? Ceterum, quod auctor illius explanationis, in primum caput ad Cor. I, videtur omnino sentire, idem planè esse apud Paulum, Per Christum omnia fuisse creata; & Per Christum omnia fuisse reconciliata, in eo, iudicio meo, propterea labitur, quòd Create, in verbis Pauli, est tamquam totum aliquid, Reconciliare autem, tamquam pars ejus. Create enim, ut ipsemet confitetur, & exempli, testimoniisq; prolatis, probat, ex consuetudine Hebraei sermonis est Reformare, ac renovare. Per Christum autem reformata, & renovata sunt etiam, non tantum quia per ipsum omnia sint reconciliata; sed etiam, quia præter reconciliationem, novam formam, novumq; statum quendam, susceperunt. Omnium autem appellatione, cum de creatione agitur, non homines tantum & angelos, sed demones quoq; intelligo. Homines quidem planè per Christum renovatos esse, nemo non videt, cum ex ignorantibus, sapientes; ex captivis, liberi; ex malis, boni; ex reis, infontes; ex mortalibus deniq; & mortuis, vivi & immortales facti fuerint. Adde, Omnium, quæ ad Dei cultum pertinent, in illis meram non modo instaurationem, sed omnimodam, ut ita dicam, renovationem. Angelis porro cum ex dei jussu, hominem pro capite suo & domino habeant, quem etiam adorare, & ad cuius nutum perpetuò præsidè esse debeant, satis apertum esse videtur, eos eorumq; hierarchiam omnem renovatam esse. Nam perinde est, ac si quis pater famili-

as, & economum familiae suæ, quam ante ipse, per se ipsum regeret, præfecisset, & quidquid vellet, in totius domus administratione, faciendi plenissimam auctoritatem dedisset. Tam quanta hic rerum omnium mutatio esset; præsertim, si ea quoq; quæ extra familiam essent, nova quadam ratione, per ipsam familiam, administranda forent? At demones per Christum renovatos fuisse, quatenus eorum imperium diminutum & ex parte abolitum fuit, ipsiq; Christo, omnes parere sunt coacti, a quo potestas, quam adhuc in mundo exercet, perpetuò pendet, uq; eam pro arbitratu suo moderatur, nemo opinor negaverit. Nam huc pertinent, non ad angelicam tantum potestatem, verba illa apostoli: Sive throni, sive dominationes, sive principatus, sive potestates: quem admodum etiam intelligi potest ex eo, quod scriptum est 1 Cor. 15, v. 24. Plura nunc eadem hac de re scribere, non vacat; quod tamen si opus fuerit, me facturum recipio. Id tamen antequam absolvam monere volui, questionem priorem de reconciliatione, nihil commune habere cum hac, Quid scilicet creatio illa significet. Nam, sive reconciliationem tantum; sive etiam, ut nos credimus, Universam reformationem; sive quidquid sit, significet, semper dubium erit, quomodo angeli reconciliati sint; nisi, quæ reconciliatio ipsa sit, rectè intelligatur.

Ex Evang: Ioh: cap: 1. v: 16.

Et ex plenitudine ejus nos omnes accepimus.

PLENITUDO ista, ut quidem ego arbitror, est affluentiſſima copia earum rerum, quarum proxime Evangelista dixerat plenum fuiſſe Verbum, id est, Christum Iesum: nempe gratia & veritatis, divine scilicet beneficentia erga humanum genus, ac fidelitatis, simulq; solida ipsarum rerum divinarum scientia. Omnium nostrum nomine intelligit Ioh: Baptista Israeliticum populum, ad quem Christus primum missus fuerat, e quorum numero seipsum non eximit, quippe, qui sine dubio jam a Christo ista didicisset, sive potius eorum particeps factus esset. Munus enim, quo ab ipso Deo prius affectus fuerat, ea quae sunt ipsius novi foederis omnino propria, non continebat, praeter praedicationem poenitentiae in genere, & remissionis peccatorum. Quamquam nihil verat verbum praeteriti temporis accepimus, debere accipi more prophético pro verbo temporis futuri, ut quidem mihi plus placet, nec ullum in ea re est absurdum, si, quamvis Baptista dicat nos omnes, seipsum in hunc numerum tamen revera non includat. sunt enim satis usitati, praesertim apud prophetas & apostolos, isti loquendi modi, & exempla passim sunt obvia, praesertim apud prophetas. Quamquam, ut mea ipsa edita scripta docent, mihi plus placet, ut verba ista, & ex plenitudine, & c. sint Evangelista, & conjungi debeant cum illis, plenum gratiae & veritatis, quemadmodum res ipsa monet; interjectus per parenthesis illis Iohannes testatus est, & c. nam post hunc versiculum Evangelistam in sua persona loqui, indicat etiam illud, quod postea rursus

ad Ba-

ad Baptista testimonium exponendum revertitur, inquiens ver. 19, Et hoc est testimonium Iohannis & c.

Ex Evang: Ioh: cap: 3. v: 31.

ὁ ἀνωθεν ἐρχόμενος, ἢ ἀνω πνεύτων ἐστίν.

ILLE enim, utpote qui superne venit, id est, ab ipso Deo, qui in excelsis habitat, descendit, non modo, sed quemcumque alium, qui unquam Dei nomine munus aliquod in terris obtulerit, omnino excellit. Ego quidem, ut ille, cui ejusmodi a Deo ad homines legatio minime obtigit, sed ea, quae, isti comparata, terrena dici potest, non possum similiter alia in hoc meo munere obeundo loqui, quam, quae praeter illis, quibus munus ipsius Iesu continetur, terrena merito dici possint. At ille, qui ex ipso caelo venit, quod nimirum prius ascenderat, ut quicquid nunciaturus Dei verbis hominibus esset, ab ipso Deo praesente praesens doceretur, non quae ex inspiratione, aut renunciatione angeli alicujus cognoverit, sed quae ipse singularissima isti divine patefactioni consentanea, & deoq; plane caelestia vidit & audivit, in suo munere obeundo loquitur.

Conciliatio locorum 1. Ioh: 3. v: 9. & cap: 5. v: 18. cum loco cap: 2. v: 1.

SENTENTIA illa Iohannis apostoli in prima ipsius Epistola, quod qui natus est ex Deo non peccat, nec peccare potest, ideo non pugnat cum eo, quod idem Iohannes in eadem Epistola scribit Filioli mei haec scribo vobis ne peccetis, quod si

1. Ioh: 3. 9. & cap: 5. 18.

cap: 2. v: 10.

quis peccaverit, advocatum habemus, &c. quia non erat certum, omnes, ad quos scribebas, esse revera ex Deo natos, id est, ut Paulus loquitur, spiritu mentis sua renovatos & novum hominem indutos. immo de nemine ipsorum affirmari id a quoquam poterat. Solus enim Deus & dominus noster Iesus Christus novit corda hominum. Cum igitur fieri posset, ut aut pars eorum, aut etiam omnes ex Deo minimè essent nati, rectè dubitare potuit apostolus ne quis ex ipsis peccaret, quamvis certum sit, eum, qui natus est ex Deo, non peccare. Idcirco autem asserit Iohannes, quòd qui natus est ex Deo, seu, qui in Christo manet non peccat, quia Peccare, seu Peccatum facere idem est apud ipsum, quod peccatù esse implicitum, non autem, Aliquod peccatum aliquando committere. Opponit enim ibidem inter se Facere peccatum, & Facere iustitiam, Quemadmodum igitur Facere iustitiam, non significat iustum aliquod opus interdum facere, sed iustitia operibus perpetuò delectari & illa exequi, (ait enim eodem in loco, quòd qui facit iustitiam iustus est) sic Facere peccatum non significat, Aliquod peccatum interdum committere, sed Peccatù deditum esse. Nam sic quoq; scriptura passim Peccatores eos nominat, non qui aliquando peccatum aliquod commiserint, sed qui in peccatù manent; eosq; iustis opponit; cum tamen contingat, iustum hominem nonnumquam peccatum aliquod committere. Itaq; Iohannes cum ait, Filii hanc scribo vobis ne peccetis, de hoc peccandi genere similiter loquitur; ut etiam ex illis ipsis apparet, quæ dicebat se

1. Ioh: 3. v: 7,
R. 2.

deo illis scribere, ne peccarent. supra enim illos hortatus fuerat, ut in tenebris non ambularent, & peccata sua agnoscerent, ac confiterentur quæ antea commississent. Sic enim futurum, ut Deus illi omnem iniquitatem condonaret. Cui hortationi deinde subiungit, quod si tamen inter eos aliqui erant, qui nondum peccatis, quibus implicitus esset, se exolvere posset, non propterea illi de eorum venia a Deo consequenda prorsus desperandum, sed sciendum Iesum Christum paratum perpetuò esse, ad, non modò eorum qui iam ipsius nomine appellantur, verum etiam omnium hominum, qui videlicet aliquando tandem resipiscerent, & peccatù relicto se iustitia mactarent, peccata apud Deum expianda,

Loci Iudæ v: 9. explicatio.

VOLVIT Mose mortuo, diabolus cadaver, vel corpus ejus surripere, ut Iudeos ad idololatriam hac ratione, ad quam erant alioquin valde proclives, seduceret. Michael autem, numine divino afflatus, noluit illud concedere, & etsi esset Satana potentior, tamen non est ausus illi maledicere, sed tantum dixit, Puniat te Deus. Unde apparet quam turpes sint illi, qui magistratus & reges blasphemare audent. Quàm facile autem fieri potuerit, ut Iudæi corpus Moysi adorarent, & ita idololatra fierent, vel hoc indicat, quòd jam etiam tantam ei reverentiam tribuunt, ut tantum non adorent. Alii per magistratus, apostolos intelligunt, & eorum potentiam qua erant præditis idq; ut faciant duplici moventur ratione. 1. Quòd additur, eos blasphemasse id, quod

non intelligunt. Quomodo autem fieri poterat, ut aliquis esset tam impius & stupidus, qui regum & magistratum potentiam a Deo profectam esse negaret, cum ea de re aperte testarentur S. litterae? Quae ignorantia facillime accidere poterat in apostolis, quorum potentia, licet singularis, non tamen omnibus ita erat nota. 2. Additur, illos perisse contradictione Core. Ergo, quemadmodum Core non ideo perit, quod magistratum aliquem politicum contemneret, sed quia Mosén spernebat, ducem populi Dei, cujus auctoritas erat tunc temporis recens nata: sic etiam hi non ideo perierunt, quia magistratum politicum spernerent, sed quia apostolos, qui vulgares erant homines, & potentia tamen singulari a Deo praediti, contemnerent, & illis parere recusarent. Ad haec respondetur. 1. Apostolos nusquam dignitates vel potestates appellari. 2. Etiam si aliqua erat in apostolis, eaque non vulgaris potentia, tamen illa non erat de essentia muneris eorum, quemadmodum potentia est de essentia muneris magistratum, qui ad nihil aliud a Deo sunt ordinati, quam ut potentiam exercerent, quod in apostolis non nisi per accidens inveniri potuit. Quod verò attinet ad priorem rationem, respondetur, esse equivocationem in vocabulo Nesciebant, quod non tantum ignorantiam simplicem, sed affectatam significare potest; quod scilicet illi notabant agnoscere, reges a Deo esse ordinatos, & eorum potentiam divinum aliquid continere, casu ista omnia accidisse arbitrantes. Immo, ut apparet, ex hoc loco colla-

loco, collato cum eo, qui est 2. Pet: 2. isti mali homines magistratui illi, quem magistratum esse probe noverant, maledicebant. Ad posteriorem verò respondetur. Primò, commodius & apertiùs comparari posse Mosén cum tyrannis aut regibus, quam cum apostolis, quia Mosés erat rex populi Dei.

Secundò, potest hoc exemplum accommodari ad propositum apostoli, etiam si exempla sint diversa & res diverse.



Errata insigniora lector benevolus sic corriget.

Pag:	lin:	Errata	corre&iones.
3	4	labefactarem,	labefactarem.
7	26	probrationem	probationem
10		musquam	nusquam
		quod sic ut	quod sicut
	ult:	herum	horum
13	15	reliquerunt	reliquerunt
15	27	perspic: etiam si	perspic: etiam si
19	8, 9	accusaretur	accusaretur
	10	scriptum	scriptum
	27	refert,	refert.
20	24	queratur	queratur
21	6	antellere	antecellere
24		in margine ad lin: x.	Ioh: 52 v. 5. dele
25	15	Ex lux	Et lux
28	6	abolerit	abolēdit
31	penult:	Creatorem	Creatorem
34	24, 25	particeps	participes
40	1	licet	licēt
43	9	nostris	nostris
44	8	deklaraveris	deklaraverit
45	15	esse dixit,	esse dixit)
48	9	VOIDOVIODum	VOIDOVIO dum
52	13	ut susti	ut iusti
59	28	Apostolus re:	re: dele
69	7	post fideli	dele punctum
76	9	secum Dei	serum Dei
77	10	quod homo	quod homo
	16	post Aliqui Deus,	dele comma
79	12	pradicetur. Posunt	pradicetur, posunt
	8	etiamsi illa	etiamsi ille
		post paginam 79 erratum est in numeri colloca-	
		tione. pro 79. pone 88. pro 80 pone 81.	
80	6	interim ipso	interim ipse
81	6	ut in in eo statu	alterutrum in dele
89	8	contempores	contemptores
	18	permoendum	promovendum

